

杜工部集

冊二

杜工部集卷第四目錄

古詩三十七首

石筍行

石犀行

杜鵑行

贈蜀僧闍邱師兄

泛溪

題壁上韋偃畫馬歌

戲題畫山水圖歌

題李尊師松樹障子歌

戲爲雙松圖歌

投簡成華兩縣諸子

徐卿二子歌

病柏

二千派

病橘

双華兩綴請予

枯櫻

雙林圖

枯栢

真栢林樹

丈人山

山水圖

百憂集行

戲作花卿歌

入奏行

習在陶又

栢樹為風雨所拔嘆

茅屋為秋風所破歌

大雨

溪漲

十六首

戲贈友二首

目錄

遭田父泥飲美嚴中丞

喜雨

漁陽

黃河二首

天邊行

大麥行

苦戰行

去秋行

述古三首

杜工部集卷第四目錄

杜工部集卷第四

古詩三十七首

初寓成都及至閬州作

石筍行

君不見益州城西門陌

街一作

上石筍雙高蹲古來

云一

老又作遠

相傳是海眼苔蘚蝕

舊作食

盡波濤痕雨多

來一作

往往得瑟瑟此事恍惚難明論恐是昔時卿相墓

塚立石為表今仍存惜哉俗態好蒙蔽亦如小臣媚

至尊政化錯迕失大體坐看傾危受厚恩嗟爾石筍

擅虛名後來未識猶駿奔安得壯士擲天外使人不

疑見本根

石犀行

君不見秦時蜀太守刻石立作三犀牛

草堂本注云當作五犀牛

自

古雖有厭勝法天生江水向

頰一作

東流蜀人矜誇一

千載泛溢不近張儀樓今年灌口

注一作

損戶口此事

或恐為神羞終藉

草堂作修築

隄防出衆力高擁木石當

清秋先王作法皆正道詭怪何得參人謀嗟爾三犀

不經濟缺訛只與長川逝但見元氣常

相一作

調和自

免洪濤恣凋瘵安得壯士

一作作者

提天綱再平水土犀

奔

蒼一作

茫

杜鵑行

君不見昔日蜀天子化作杜鵑似老烏寄巢生子不自啄羣鳥至今與哺雛雖同君臣有舊禮骨肉滿眼身羈孤業工竄伏深樹裏四月五月偏號呼其聲哀痛口流血所訴何事常區區爾豈摧殘始

如晉作

發憤

羞帶羽翮傷形愚蒼天變化誰料得萬事反覆何所無萬事反覆何所無豈憶當殿羣臣趨

贈蜀僧閻邱師兄

太常博士均之孫

大師銅梁秀籍籍名家孫嗚呼先博士炳靈精氣奔

惟往一云昔武皇后臨軒御乾坤多士盡儒冠墨客藹

雲屯當時上紫殿不獨卿相尊世傳閻邱筆峻極逾

樊作崑崙鳳藏丹霄暮一作穴龍去一作出白水渾青熒

雪嶺東碑碣舊製存斯文散都邑高價越瓊璠晚看

作者意妙絕與誰論吾祖詩冠古同年蒙主恩豫章

夾日月歲久空深根小子思疎闊豈能達詞門窮愁

秋一作一揮淚相遇卽諸昆我住錦官城兄居祇樹園

地近慰旅愁往來當邱樊天涯歇滯雨粳稻臥不翻

漂然薄遊倦始晉作與道侶一作旅敦景晏步修廊而

無車馬喧夜闌接軟語一作夜言落月如金盆漠漠世

界黑一作穴驅驅爭奪繁惟有摩尼珠可照濁水源

泛溪

落景下高堂進舟泛迴溪誰謂築居小未盡喬木西
 遠郊信荒僻秋色有餘淒練練峯上雪纖纖雲表霓
 童戲左右岸戲左右一云兒童
 罟弋畢提攜翻倒荷芰亂指揮
 逕路迷得魚已割劇一作鱗採藕不洗泥人情逐鮮美
 物賤事已迹一云睽吾村靄暝姿異舍雞亦棲蕭條欲
 何適出處庶可齊衣上見新月霜中登故畦濁醪自
 初熟東城多鼓鼙

題壁畫馬歌

章偃畫作題壁上章偃畫馬歌
 陳浩然草堂本

韋侯別我有所適知我憐君

渠一作

畫無敵戲

陳浩然本作試

拈秃筆掃驂騮歛見騏驎出東壁一匹齧草一匹嘶
 坐看千里當霜蹄時危安得真致此與人同生亦同

死

戲題畫山水圖歌

王宰畫宰丹青絕倫
本題字下有王宰二字

十日畫一水五日畫一石能事不受相促迫王宰始

肯留真跡壯哉崑崙方壺

一作文

圖挂君高堂之素壁

巴陵洞庭日本東赤

一作南

岸水與銀河通中有雲氣

隨飛龍舟人漁子入浦淑山木盡亞

一作帶

洪濤風尤

工遠勢古莫比咫尺應須論

一作行

萬里焉得并州

快翦刀翦取吳松半江水

題李尊師松樹障子歌

老夫清晨梳白頭元都道士來相訪握髮

一云手

呼兒

延入戶手提新畫青松障障子松林靜杳冥憑軒忽

若無丹青陰崖却承霜雪

一云霧

幹偃蓋反走虬龍

形老夫平生好奇古對此興與精靈聚已知仙客意

相親更覺良工心獨苦松下丈人巾屨同偶坐似

一作

自是商一作南山翁悵望一作惆悵聊歌紫芝曲時危慘澹

來悲風

戲為雙松圖歌韋偃

天下幾人畫古松一作樹畢宏已老韋偃少絕筆長風

起纖末滿堂動色嗟神妙兩株慘裂苔蘚皮屈鐵交

錯迴高枝白摧朽骨龍虎死黑入太陰雷雨垂松根

胡僧憩寂寞龐眉皓首無住著偏袒右肩露雙腳葉

裏松子僧前落韋侯數相見我有一匹好東云一

素絹重之不減錦繡段已令拂拭光凌亂請公放筆

為直幹

投簡成華兩縣諸子

赤縣官曹擁材傑軟裘快馬當冰雪長安一作夜苦寒

誰獨悲杜陵野老骨欲折南山豆苗早荒穢青門瓜

地新凍裂鄉里兒童項領成朝廷故舊禮數絕自然
棄擲與時異况乃疎頑臨事拙饑臥動卽向一旬弊
裘何啻聯百結君不見空牆日色晚此老無聲淚垂
血

徐卿二子歌

君不見徐卿二子生絕奇感應吉夢相追隨孔子釋
氏親抱送並是天上麒麟兒大兒九齡色清徹秋水
爲神王爲骨小兒五歲氣食牛滿堂賓客皆回頭吾
知徐公百不憂積善衮衮生公侯丈夫生兒有如此
二雛者名位豈肯卑微休

一一云異時名位豈肯卑微休

病柏

有柏生崇岡童童狀車

一作青

蓋偃蹇龍虎姿主當風

雲會神明依正直故老多再拜豈知千年根中路顏

色壤出非不得地蟠據亦高大歲寒忽無憑一作用日

夜柯葉改碎一云丹鳳領九雛哀鳴翔其外鷓鴣志意

滿養子穿穴窟一作窟內客從何鄉來佇立久吁怪靜求

元精無根一云理浩蕩難倚賴

病橘

羣伊一作伊橘少生意雖多亦奚為惜哉結實小少一作少酸

澀如棠梨剖割一作割之盡蠹蟲樊一作樊采掇爽其所一作所宜

紛然不適口豈只存其皮蕭蕭半死葉未忍忽一作忽別

故枝元冬霜雪積况乃迴風吹嘗聞蓬萊殿羅列瀟

湘姿此物歲不稔玉食失少一作少光輝寇盜尚憑陵當

君減膳時汝病是天意吾諗荆一作荆罪有司憶昔南

一作海使奔騰獻荔支百馬死山谷到今耆舊悲

枯櫻

蜀門多櫻

一作
楸

欄高者十八九其皮割剝甚雖衆亦

易朽徒布

一作
有

如雲葉青黃歲寒後交橫集斧斤凋

喪先蒲柳傷時苦軍乏一物官盡取嗟爾江漢人生

成復何有有同枯櫻木使我沈嘆久死者即已休生

者何

一作
能

自守啾啾黃雀倬側見寒蓬走念爾形影

乾

一作
形影

摧殘沒藜莠

枯桷

榱桷枯崢嶸鄉黨皆莫記不知幾百歲慘慘無生意

上枝摩皇

一作
蒼

天下根蟠厚地巨圍雷霆圻萬孔蟲

蟻萃凍雨落流膠衝風奪佳氣白鵠遂不來天雞爲

愁思猶含棟梁具無復霄漢

一作
雲霄

志良工古昔少識

者出涕淚種種榆水中央成長何容易截承金露盤裊

裊不自畏

丈人山

自爲青城客不唾青城地爲愛丈人山丹梯近幽意
丈人祠西佳氣濃綠雲擬住最高峯掃除白髮黃精
在君看他時冰雪容

百憂集行

憶年十五心尚孩健如黃犢走復來庭前八月梨棗
熟一日上樹能千迴卽今倏忽已五十一作卽今年纔五六十坐
臥只多少行立強將笑語供主人悲見生涯百憂集
入門依舊四壁空老妻覩我顏色同癡兒未知父子
禮叫怒索飯啼門東

戲作花卿歌

吳若本注題下此謂殺子璋反東川李奩走成都崔光遠討平之時事也崔大夫謂光遠

子璋作此璋字李侯疑卽奩嘗領東川以子璋亂出奔及平復得之鎮故云重有此節度也

成都猛將有花卿學語小兒知姓名用如快鷲風火

生見賊唯多身始輕綿州副使著柘黃我卿掃除卽

日平子章

璋一作

鬪髀血模糊手提擲還崔大夫李侯

重有此節度人道我卿絕世

一作

無既稱絕世無天

子何不喚取守京都

入奏行

贈西山檢察使寶侍御

寶侍御驥之子鳳之雛年未三十忠義俱骨鯁絕代

無炯如一段清冰出萬壑置在迎風寒露之玉壺蔗

漿歸廚金盃凍洗滌煩熱足以寧君軀政

一作

用疎

通合典則戚聯豪貴耽文儒兵革未息人未蘇天子

亦念西南隅吐蕃憑陵氣頗麤寶氏檢察應時須

樊

才能

運糧繩橋壯士喜斬木火井窮猿呼八州刺史

思一戰三城守邊却可圖此行入奏計未小密奉聖

旨恩宜

一作

殊繡衣春當

飄飄

霄漢立綵服日向

云

粲庭闈趨樊本此下有開濟人所仰飛騰正時頌省郎京尹必俯拾相付江

花未落還成都江花未落還成都此句一二云還成都多暇肯訪浣

花老翁無訪浣花老為君酤酒滿眼酤肯訪浣花老為

君著衫與奴白飯馬青芻

栴樹為風雨所拔歎栴一作高

倚江栴樹草堂前古一作老相傳二百年誅茅卜居

總為此五月髣髴聞寒蟬東南飄風動地至江翻石

走流雲氣幹晉作排雷雨猶力爭根斷泉源豈天意

滄波蒼茫老樹性所愛浦上童童一青蓋野客頻留

懼雪霜行人不過聽竽籟虎倒龍顛委榛樊作棘淚

痕血點垂胸臆我有新詩何處吟草堂自此無顏色

茅屋為秋風所破歌

八月秋高風怒號卷我屋上三重茅茅飛度江灑一作

珍傲宋勝

滿

江郊高者掛胃長林梢下者飄轉沈塘坳南村羣
童欺我老無力忍能對面為盜賊公然抱茅入竹去
脣焦口燥呼不得歸來倚杖自嘆息俄頃風定雲墨
色秋天漠漠向昏黑布衾多年冷似象一作鐵驕兒惡
臥踏裏裂床頭屋漏無乾處雨腳如麻未斷絕自經
喪亂少睡眠長夜沾溼何由徹安得廣廈千萬間大
庇天下寒士俱歡顏風雨不動安如山嗚呼何時眼
前突兀見此屋吾廬獨破受凍死一作意亦足

大雨

西蜀冬不雪春農尚嗷嗷上天回哀眷失清一作夏雲

鬱陶執熱乃沸鼎纖絺成緼袍風雷颯萬里霑澤施

蓬蒿敢辭茅葦漏已喜黍豆高三日無行人二一作

江聲怒號流惡邑里清矧茲遠江臯荒庭步鸛鶴隱

凡望波濤沈痼聚藥餌頓忘所進勞則知潤物功可
以貸不毛陰色靜壠畝勸耕自官曹四鄰耒耜出一作

出耒耜

何必吾家操

溪漲

當時浣花橋溪水纔尺餘白石

一作日

明可把水中有

行車秋夏忽泛溢豈惟

伊一作

入吾廬蛟龍亦狼狽况

是鼈與魚茲晨已半落歸路跬步疎馬嘶未敢動前

有深填淤青青屋東麻散亂床上書不意

一作知

遠山

兩夜來復何如我遊都市間

一作云或

晚憩必村墟乃

知久行客終日思其居

戲贈友二首

元年建巳月郎有焦校書自誇足膂力能騎生馬駒
一朝被馬踏脣裂板齒無壯心不肯已欲得東擒胡

元年建巳月官有王司直馬驚折左臂骨折面如墨
驚駘漫一作慢深陳浩然本作染泥何不避雨色勸君休歎恨
未必不爲福

遭田父泥飲美嚴中丞

步屣隨春風村村自花柳田翁逼社日邀我嘗春酒
酒酣誇新尹畜眼未見有迴頭指大男渠是弓弩手
名在飛騎籍長番歲時久前日放營農辛苦救衰朽
差科死則已誓不舉家走今年大作社拾遺能住否
叫婦開大瓶盆中爲吾取感此氣揚揚須知風化首
語多雖雜亂說尹終在口朝來偶然出自卯將及酉
久客惜人情如何拒鄰叟高聲索果栗欲起時被肘
指揮過無禮未覺村野醜月出遮我留仍嗔問升斗

喜雨

春旱天地昏日色赤如血農事都已樊作未休兵戈况

騷屑巴人困軍須慟哭厚土熱滄江夜來雨真宰罪

一雪穀根小少一作蘇息沴氣終不滅何由見寧歲解

我憂思結崢嶸羣東一作山雲交會未斷絕安得鞭雷

公滂沱洗吳越時聞浙右多盜賊

漁陽

漁陽突騎猶精銳赫赫雍王都前一作節制猛將飄然

恐後時本朝不入非高計祿山北築雄武城舊防敗

走歸其營繫書請問燕耆舊今日何須十萬兵

黃河二首

黃河北岸海西軍椎鼓鳴鐘天下聞鐵馬長鳴不知

如一作數胡人高鼻動成羣

黃河西一云北岸是吾一作蜀欲須供給家無粟願

驅衆庶戴君王混一車書棄金玉

天邊行

天邊老人歸未得日暮東臨大江哭隴右河源不種
田胡騎羗兵入巴蜀洪濤滔天風拔木前飛秃鷲後
鴻一作黃鵠九度附書向洛陽十年骨肉無消息

大麥行

大麥乾枯小麥黃婦女一作人行泣夫走藏東至集壁

西梁洋問誰腰鎌胡與羗豈無蜀兵三千人一作去云千

部一作簿領來苦江山長安得如鳥有羽翅託身白雲

還故鄉

苦戰行

苦戰身死馬將軍自云伏波之子孫干戈未定失壯

士使我歎恨傷精魂去年江南英華作南行討狂賊臨江

把臂難再得別時孤雲今不飛時獨看雲淚橫臆

去秋行

去秋涪江木落時臂槍蒼一作走馬誰家兒到今不知

白骨處部曲有去皆無歸遂州城中漢節在遂州城

外已人稀戰場冤魂每夜哭空令野營猛士悲

述古三首

赤驥頓長纓非無萬里姿悲鳴淚至地為問馭者誰

鳳凰從東天一作來何意復高飛竹花不結實念子忍

朝饑古時君臣合可以物理推賢人識定分進退一作

用固其宜一作

市人日中集於利競錐刀置膏烈火上哀哀自煎熬

農人望歲稔相率除蓬蒿所務穀農一作為本邪羸無

乃勞舜舉十六相身尊道何高秦時任商鞅法令如

牛毛

漢光得天下祚永固有開豈惟高祖聖功自蕭曹來
經綸中興業何代無長才五慕寇鄧勳濟時信良哉
耿賈亦宗臣羽翼共徘徊休運終四百圖畫在雲臺

杜工部集卷第四

世工精製卷四

烟霞初示亞際翼共掛阿村巖然四百圖畫五雲臺
盤論中興業何分燕吳水正無缺澄傳獨規計頁若
莫光對天不拆衣固南開豈對高卧望夜自藏曹來

十手

杜工部集卷第五目錄

古詩五十六首

觀打魚歌

又觀打魚

越王樓歌

海棕行

姜楚公畫角鷹歌

相從歌贈嚴二別駕

光祿坂行

冬到金華山觀因得故拾遺陳公學堂遺跡

陳拾遺故宅

謁文公上方

奉贈射洪李四丈

早發射洪縣南途中有作

通泉驛南去通泉縣十五里山水作

過郭代公故宅

觀薛稷少保書畫壁

通泉縣署屋壁後薛少保畫鶴

陪王侍御同登東山最高頂宴姚通泉晚攜酒

泛江

春日戲題惱郝使君兄

短歌行贈王郎司直

短歌行送祁錄事

陪章留後惠義寺錢嘉州崔都督赴州

將適吳楚留別章使君留後兼幕府諸公得柳

字

山寺

櫻拂子

桃竹杖引

寄題江外草堂

觀曹將軍畫馬圖

送韋諷上閩州錄事參軍

丹青引

閩州東樓筵送十一舅往青城縣得昏字

嚴氏溪放歌行

南池

發閩中

寄韓諫議

憶昔二首

冬狩行

自平

釋悶

贈別賀蘭鈺

別唐十五誠因寄禮部賈侍郎

閩山歌

閩水歌

三絕句

草堂

四松

水檻

破船

營屋

除草

揚旗

太子張舍人遺織成褥段

莫相疑行

別蔡十四著作

杜工部集卷第五目錄

杜工部集卷第五

古詩五十六首

居東川再至閬州復還成都作

觀打魚歌

綿州江水之

水一作

東津魴魚鱗鱗色勝銀漁人漾舟

沉大網截江一擁數百鱗衆魚常才盡却棄赤鯉騰

出如有神潛龍無聲老蛟怒迴

西晉作

風颯颯吹沙塵

饗子左右揮霜刀鱠飛金盤白雪高徐州秃尾不足

憶

一作惜

漢陰槎頭遠遁逃魴魚肥美知第一既飽歡

娛亦蕭瑟君不見朝來割素馨咫尺波濤永相失

又觀打魚

蒼江漁子清晨集設網提綱萬

一作取

魚急能者操舟

疾若風撐突波濤挺又入小魚脫漏不可記

一作紀

半

死半生猶戢戢大魚傷損皆垂頭屈強泥沙

一作沙頭

有

時立東津觀魚已再來主人罷鱸還傾盃日暮蛟龍
改窟穴山根鱸鮓隨雲雷干戈兵革鬪未止
格鬪尚未
已鳳凰麒麟安在哉吾徒胡爲縱此樂暴殄天物聖
所哀

越王樓歌

綿州州府何磊落顯慶年中越王作孤城西北起高
樓碧瓦朱甍照城郭樓下長江百丈清山頭落日半
輪明君王舊跡今人賞轉見千秋萬古情

海棕行

左綿公館清江濱海棕一株高入雲龍鱗犀甲相錯
落蒼稜白皮十抱文自一作是衆木亂紛紛海棕焉
知身出羣移栽北辰不可得時有西域胡僧識

姜楚公畫角鷹歌

楚公畫鷹鷹戴角殺氣森森一作如到幽朔觀者貪愁

爵作徒驚掣臂一作壁飛畫師不是無心學此鷹寫真在左

綿却嗟真骨遂虛傳梁間燕雀休驚怕亦未搏空上

九天

相從歌贈嚴二別駕一二云嚴別駕相逢歌

我行入東川十步一迴首成都亂罷氣蕭颯一作瑟

浣花草堂亦何有梓中一作州豪俊一作貴大者誰本州

從事知名久把臂開樽飲我酒酒酣擊劍蛟龍吼烏

帽拂塵青螺一作驟栗紫衣將炙緋衣走銅盤燒蠟光

一作炎吐日夜如何其初促膝黃昏始扣主人門誰謂

俄傾晉作我傾膠在漆萬事盡付形骸外百年未見一作及

歡娛畢神傾意豁真佳士久客多憂今愈疾高視乾

坤又可一作何愁一軀交態同一作真悠悠垂老遇君未

恨晚似君須向古人求

光祿坂行

山行落日下絕壁西望千山萬山水一作赤樹枝有鳥

亂鳴

樓一作

時暝色無人獨歸客馬驚不憂深谷墜草

動只怕長弓射安得更似開元中道路即今多何一云

擁隔

冬到金華山觀因得故拾遺陳公學堂遺跡

涪右衆山內金華紫崔嵬上有蔚藍天垂光抱瓊臺

繫舟接絕壁杖策窮縈回四顧俯層巔淡然川谷開

雪嶺日色

光一作

死霜鴻有餘哀焚香玉女跪霧裏仙

人來陳公讀書堂石柱仄青苔悲風爲我起激烈傷

雄才

陳拾遺故宅

拾遺平昔居大屋

宅一作

尚脩椽悠揚

悠一作

荒山日慘

淡

崔一作

故園

國一作

烟位下曷足傷所貴者聖賢有才

繼騷雅哲匠不比肩公生揚馬後名與日月懸同遊

英俊人多秉輔佐權彥昭超

趙一作

玉價郭振

震一作

起

通泉到今素壁滑洒翰銀鈎連盛事會一時此堂豈

千年終古立

占一作

忠義感遇有遺編

謁文公上方

野寺隱喬木山僧高下居石門日色異絳氣橫扶疎

窈

晉一作

窈窕入風磴長蘿紛卷舒庭前猛虎臥遂得文

公廬俯視萬家邑烟塵對階除吾師雨花外不下十

年餘長者自布金禪龕只晏如大

火一作

珠脫玷翳白

月

日一作

當空虛甫也南北人蕪蔓少耘鋤久遭詩酒

汚何事忝簪裙王侯與螻蟻同盡隨邱墟願聞第一

義迴向心地初金篦刮眼膜價重百車渠無生有汲
引茲理儻吹噓

奉贈射洪李四丈

明甫

丈人屋上烏人好烏亦好人生意氣豁不在相逢早
南京亂初定所向邑一作色枯槁遊子無根株茅齋付
秋草東征下月峽挂席窮海島萬里須十金妻孥未
相保蒼茫風塵際蹭蹬騏驎老志士懷感傷心胸已
傾倒

早發射洪縣南途中作

將老憂貧竇筋力豈能及征途乃

一作吳作後一作復

侵星得使

諸病入鄙人寡道氣在困無獨立俶裝逐徒旅達曙
凌險澁寒日出霧遲清江轉山急僕夫行不進駑馬
若維繫汀洲稍疎散風景開快

惜一云

悒空慰所尚懷

終非曩遊集衰顏偶一破勝事難屢一云皆空挹茫然阮籍途更洒楊朱泣

通泉驛南去通泉縣十五里山水作

溪行衣自溼亭午氣始散冬温蚊蚋在集一作人遠鳧

鴨亂登頓生曾陰欹傾出高岸驛樓衰柳側縣郭輕

烟畔一川何綺麗盡目日一作窮壯觀山色遠寂寞江

光夕滋漫傷知一作時愧孔父去國同王粲我生苦飄

零所歷有嗟歎

過郭代公故宅

豪俊初未遇其跡或脫略代公尉通泉放意何自若

及夫登袞冕直氣森噴薄一本此下有精魄凜凜如在所歷終蕭索磊落見異

人豈伊常情度定策神龍後宮中翕清廓俄頃辨尊

親指揮存顧託羣公有一作慚色王室無削弱迥出

名臣上丹青照臺閣我行得遺跡

一作址

池館皆疏鑿

壯公臨事斷顧步涕橫落

草堂本精魄凜如
在一聯在此下

高詠寶劍

篇神交付冥漠

觀薛稷少保書畫壁

少保有古風得之陝郊篇惜哉功名忤但見書畫傳
我游梓州東遺跡涪江邊畫藏青蓮界書入金榜懸
仰看垂露姿不崩亦不騫鬱鬱三大字蛟龍岌相纏
又揮西方變發地扶屋椽慘淡壁飛動到今色未填
此行疊壯觀郭薛俱才賢不知百載後誰復來通泉

通泉縣署屋壁後薛少保畫鶴

薛公十一鶴皆寫青田真畫色久欲盡蒼然猶出塵
低昂各有意磊落如長人佳此志氣遠豈惟粉墨新
萬里不量力羣遊森會神威遲白鳳態非是倉鷓鄰

高堂未傾覆常幸一作得慰嘉賓曝露牆壁外終嗟風
雨頻赤霄有真骨恥飲洿池津冥冥任所往脫略誰
能馴

陪王侍御同登東山最高頂宴姚通泉晚攜酒

泛江

姚公美政誰與儔不減昔時陳太邱邑中上客有柱
史多暇日陪驄馬游東山高頂羅珍羞下顧城郭銷
我憂清江白日落欲盡復攜美人登綵舟笛聲憤怨

怒一作

哀中流妙舞逶迤夜未休燈前往往大魚出聽

曲低昂如有求三更風起寒浪湧取樂喧呼覺船重

滿空星河光破碎四座賓客色不動請公臨深

江一作

莫相違迴船罷酒上馬歸人生歡會豈有極無使霜

過

一作露

霑人衣

春日戲題惱郝使君兄

使君意

俊一作

氣凌青霄憶昨歡娛常見招細馬時鳴

金驪裏佳人屢出董嬌饒東流江水西飛鷺可惜春

光不相見願攜王趙兩紅顏再騁肌膚如素練通泉

百里近梓州請

一作諸

公一來開我愁舞處重看花滿

面尊前還有錦纏頭

短歌行

贈王郎司直

王郎酒酣拔劍斫地歌莫哀我能拔爾抑塞磊落之

奇才豫樟翻風白日動鯨魚跋浪滄溟開且脫佩劍

休徘徊西得諸侯棹錦水欲向何門踞

吳作

珠履仲

宣樓頭春色

一作已

深青眼高歌望吾子眼中之人吾

老矣

短歌行

送祁錄事歸合州因寄蘇使君草堂本作邛州錄事

前者途中一相見人事經年記君面後生相動一作勸
何寂寥君有長才不貧賤君今起拖春江流余亦沙
邊具小舟幸爲達書賢府主江花未盡會江樓

陪章留後惠義寺錢嘉州崔都督赴州

中軍待上客令肅事有恆前驅入寶地祖帳飄金繩
南陌一作伯既留歡茲山亦深登清聞樹杪磬遠謁雲

端僧迴策匪新岸樊所崖所攀仍舊藤耳激洞門矚目

存寒谷冰出塵閱軌躅畢景遺炎蒸永願坐長夏將
衰棲大乘羈旅惜宴會艱難懷友朋勞生共幾何離
恨兼相仍

將適吳楚留別章使君留後兼幕府諸公得柳

字

我一作甫來入蜀門歲月亦已久豈唯長兒童自覽成

老醜常恐性坦率失身為杯酒近辭痛飲徒折節萬

夫一作人後昔如樊作若縱壑魚今如喪家狗既無遊方

戀行止復何有相逢半新故取別隨薄厚不意青草

湖扁舟落吾手眷眷章梓州開筵俯高柳樓前出騎

馬帳下羅賓友健兒簸紅旗此樂或一作幾難朽日車

隱崑崙鳥雀噪戶牖波濤未足畏一作慰三峽徒雷吼

所憂盜賊多重見衣冠走中原消息斷黃屋今安否

終作適荆蠻安排用莊叟隨雲拜東皇挂席上南斗

有使即寄書無使長迴首

山寺得開字章留後同遊

野寺根一作限石壁諸龕遍崔嵬前佛不復辨百身一

莓苔雖一作唯有古殿存世尊亦塵埃如聞龍象泣足

令信者哀使君騎紫馬捧擁從西來樹羽靜千里臨

江久徘徊山僧衣藍縷告訴棟梁摧公爲顧一作領賓

徒荆作從一作兵從咄嗟檀施開吾知多羅樹却倚蓮華臺諸

天必歡喜鬼物無嫌猜以茲撫士卒孰曰非周才窮

子失淨處高人憂禍胎歲晏風破肉荒林寒可迴思

量入一作人道苦自哂同嬰孩

櫻拂子

櫻拂且薄陋豈知身效能不堪代白羽有足除蒼一作

青蠅熒熒金錯刀擢擢朱絲繩非獨顏色好亦用晉

由顧盼稱吾老抱疾病家貧臥炎蒸咂膚倦撲滅賴

爾甘服膺物微世競棄義在誰肯徵三歲清秋至未

敢鬪緘滕

桃竹杖引贈章留後

江心一作上蟠石生桃竹蒼波噴浸尺度足斬根削皮

如紫玉江妃水仙惜不得梓潼使君一作者開一束滿

堂賓客皆歎息憐我老病贈兩莖出入爪甲鏗有聲

老夫復欲東南征乘濤鼓枻一作棹白帝城路幽必為

鬼神奪拔一作杖劍或與蛟龍爭重為告曰杖兮杖兮

爾之生也甚正直慎勿見水踴躍學變化為龍使我

不得爾之扶持滅跡於君山湖上之青峯噫風塵瀕

洞兮豺虎咬人忽失雙杖兮吾將曷從

寄題江外草堂梓州作寄成都故居

我生性放誕難欲逃自然嗜酒愛風一作修竹卜居必

一作此林泉遭亂到蜀江臥痾遣晉作遺所便誅茅初一

畝廣地方一作必連延經營上元始斷手寶應年敢謀

土木麗自覺面勢堅賢一作臺亭亭一作臺隨高下敞豁當

清川雖樊作惟有會心侶數能同釣船干戈未偃息安

得酣歌眠蛟龍無定窟黃鵠摩蒼天古來達士志一作

賢達寧受外物牽顧惟魯鈍姿豈識悔吝先偶攜老

妻去慘澹凌風烟事跡無固必幽貞媿雙全尙念四

小松蔓草易一作已一作拘纏霜骨不甚長永爲鄰里憐

韋諷錄事宅觀曹將軍畫馬圖

國初已來畫鞍馬神妙獨數江都王將軍得名三一作樊

四十載人間又見真乘黃曾貌先帝照夜白龍池十

日飛霹靂內府殷紅馬腦盃一作盤婕妤傳詔才人索

盃賜將軍拜舞歸輕紈細綺相追飛一作隨貴戚權門

得筆跡始覺屏障生光輝昔日太宗拳毛騮近時郭

家師子花今之新一作畫圖有二馬復令識者久歎嗟

此皆騎戰一敵萬縞素漠漠開風沙其餘七匹亦殊

絕迥若寒空動烟雪霜蹄蹴踏長楸間馬官廝養森

成列可憐九馬爭神駿顧視清高氣深穩借問苦心
愛者誰後有韋諷前支遁憶昔巡幸新豐宮翠華拂
天來向東騰驤磊落三萬匹皆與此圖筋骨同自從
獻寶朝河宗無復射蛟江水中君不見金粟堆前松
柏裏龍媒去盡烏呼風

送韋諷上閩州錄事參軍

國步猶艱難兵革未衰息萬方哀一作尚嗷嗷十載一作

年供軍食庶官務割剝不暇憂反側誅求何多門賢

者貴為德晉作賢俊愧為力韋生富春秋洞澈有清識操持紀

綱地喜見朱絲直當令晉作因豪奪吏自此無顏色必

若救瘡痍先應去蝥賊揮淚臨大江高天意悽惻行

行樹佳政慰我深相憶

丹青引贈曹將軍霸

將軍魏武之子孫於今爲庶爲清門英雄割據雖一作

皆已矣文彩風流猶荆作尚存學書初學衛夫人但

恨無晉作過王右軍丹青不知老將至富貴於我如

浮雲開元之中一作常引見承恩數上南薰殿凌烟

功臣少顏色將軍下筆開生面良相頭上進賢冠猛

將腰間大羽箭褒公鄂公毛髮動英姿颯爽一作來

猶一作酣戰先帝天御一作馬玉花驄畫工如山貌不同

是日牽來赤墀下迴一作立闔闔生長風詔謂將軍

拂絹素意匠慘淡經營中斯須九重真龍出一洗萬

古凡馬空玉花却在御榻上榻上庭前屹相向至尊

含笑催賜金圉人太僕皆惆悵弟子韓幹早入室亦

能畫馬窮殊相一作幹惟畫肉不畫骨忍使驂駟氣

凋喪將軍畫一作善一作蓋有神必一作逢佳士亦

寫真即今飄泊干戈際屢貌尋常行路人途窮反遭俗眼白世上未有如公貧英華作他富至今我徒貧但看古來盛名下終日坎壈纏其身

閩州東樓筵奉送十一舅往青城縣得昏字

曾城有高樓舊作會制古丹艧存迢迢百餘尺豁達開

四門雖有一作會車馬客而無人世喧遊目俯大江列

筵慰別魂是時秋冬交節往顏色昏天寒鳥獸休一作伏

霜露在草根今我送舅氏萬感集清樽豈伊山川

間迴首盜賊繁高賢意不暇王命久崩奔臨風欲慟

哭聲出已復吞

嚴氏溪放歌行

天下甲晉作兵馬未盡銷豈免溝壑常漂漂劍南歲月

不可度邊頭公卿仍獨驕樊作何其驕費心姑息是一役

肥肉大酒徒相要嗚呼古人已糞土獨覺志士甘漁
樵況我飄轉無定所終日感感忍羈旅秋宿樊作霜
清一作溪素月高喜得與子長夜語東遊西還力實倦
從此將身更何許知子松根長茯苓遲暮有意來同
煮

南池

崢嶸巴閬間所向盡山谷安知有蒼池萬頃浸坤軸
呀然闔城南枕一作控帶巴江腹芰荷入異縣稔稻共
比屋皇天不無意美利戒止足高田失西成此物頗
豐熟清源多衆魚遠岸富喬木獨歎楓香林春時好
顏色南有漢王晉作主祠終朝走巫祝歌舞散靈衣荒
哉舊風俗高堂一作皇亦明王魂魄猶正直不應空陂
上縹緲親酒食淫祀自古昔非唯一川瀆干戈浩茫

茫地僻傷極目平生江海一云溟渤興遭亂身局促駐馬
問漁舟躊躇慰羈束

發閩中

前有毒蛇後猛虎溪行盡日無村塢江風蕭蕭雲拂
地山木慘慘天欲雨女病妻憂歸意速一作急秋花錦
石誰復樊作能數別家三月一得書一作書來避地何時免

愁苦

寄韓諫議

今我不樂思岳陽身欲奮飛病在床美人娟娟隔秋
水濯足洞庭望八荒鴻飛冥冥日月白青楓葉赤天
雨一作飛霜玉京羣帝集北斗或騎騏驎翳鳳皇芙蓉
旌旗一作旄烟霧樂影動倒景搖瀟湘星宮之君醉瓊
漿羽人稀少不在旁似聞昨者赤松子恐是漢代韓

張良昔隨劉氏定長安帷幄未改神慘傷國家成敗
吾豈敢色難腥腐餐風一作楓香周南留滯古所一作莫
惜南極老人應壽昌美人胡爲隔秋水焉得置之貢
玉堂

憶昔二首

憶昔先皇巡朔方千乘萬騎入咸陽陰山驕子汗血
馬長驅東胡胡走藏鄴城反覆不足怪關中小兒壞
紀綱張后不樂上爲忙至今今上猶撥亂勞身焦思
補四方我昔近侍叨奉引出兵一作兵上整肅不可當一作
志爲留猛士守未央致使岐雍防西羌犬戎直來坐
御床百官跣足隨天王願見北地傅介子老儒不用
尚書郎

憶昔開元全盛日小邑猶藏萬家室稻米流脂粟米

白公私倉廩俱豐

一作富實

九州道路無豺虎

晉作狼

遠行不勞吉日出齊紈魯縞車班班男耕女桑不相

失宮中聖人奏雲門天下朋友皆膠漆百餘年間未

災變叔孫禮樂蕭何律豈聞一絹直萬錢有田種穀

今流血洛陽宮殿燒焚盡宗廟新除狐兔穴傷心不

忍問耆舊復恐初從亂離說小臣魯鈍無所能朝廷

記識蒙祿秩周宣中興望我皇洒血

一作淚

江漢身

長衰疾

冬狩行

時梓州刺史章彝兼侍御史留後東川

君不見東川節度兵馬雄校獵亦似觀成功夜發猛

士三千人清晨合圍步驟同禽獸已斃十七八殺聲

落日迴蒼穹幕前生致九青兕駝嶷崑崙垂元熊東

西南北百里間髣髴蹴踏寒山空有鳥名鸚鵡力不

能高飛逐走蓬肉味不足登鼎俎何爲見羈虞羅中
春蒐冬狩侯一作得同使君五馬一馬驄況今攝行
大將權號令頗有前賢風飄然時危一老翁十年厭
見旌旗紅喜君士卒甚整肅爲我迴轡擒西戎草中
狐兔盡何益天子不在咸陽宮朝廷雖無幽王禍得
不哀痛塵再蒙嗚呼得不哀痛塵再蒙

自平

自平宮中呂太一一作中宮收珠南海千餘日近供生
犀翡翠稀復恐征戎一作干戈密蠻溪豪族小一作
動搖世封刺史非時一作朝蓬萊殿前一作諸主將
才如伏波不得驕

釋悶

四海十年不解兵犬戎一作也復臨咸京失道非關

出襄野揚鞭忽是過胡

晉作湖

城豺狼塞路人斷絕烽

火照夜屍縱橫天子亦應厭奔走羣公固合思昇平

但恐誅求不改轍聞道壁孽能

一作今

全生江邊老翁

錯料事眼暗不見風塵清

贈別賀蘭鈺

黃雀飽野粟羣飛動荆榛今君抱何恨寂寞向時人

老驥倦驤首蒼

一作饜

愁易馴高賢世未識固合嬰

饑貧國步初返正乾坤尚風塵悲歌鬢髮白遠赴湘

吳春我戀岷下芋君思千里尊生離與死別自古鼻

酸辛

別唐十五誠因寄禮部賈侍郎

九載一相逢百年能幾何復爲萬里別送子山之阿

白鶴久同林潛魚本同河未知棲集期衰老強高歌

歌罷兩悽惻六龍忽蹉跎相視髮皓白況難駐羲和
胡星墜燕地漢將仍橫戈蕭條四海內人少豺虎多
少人慎莫投多虎信所過饑有易子食獸猶畏虞羅
子負經濟才天門鬱嵯峨飄颻適東周來往若亦一作
崩波南宮吾故人白馬金盤陔雄筆映千古見賢心
靡一作匪他念子善師事歲寒守舊柯爲吾謝賈公病
肺臥江沱

閩山歌

閩州城東靈

作一

山白閩州城北玉臺

一作壺

碧松浮

欲盡不盡雲江動將崩未崩石那知根無鬼神會已
覺氣與嵩華敵中原格鬪且未歸應結茅齋看一作著

青壁

一作應著茅齋向青壁

閩水歌

嘉陵江色

一作山

何所似石黛碧玉相因依正憐日破

浪花

一云聞山

出更復春從沙際歸巴童蕩槳欹側過水

雞銜魚來去飛闋中勝事可腸斷闋州城南天下稀

三絕句

前

一作去

年渝州殺刺史今年開州殺刺史羣盜相隨

劇虎狼食人更肯留妻子

二十一家同入蜀唯殘一人出駱谷自說二女鬻臂

時迴頭却向秦雲哭

殿前兵馬雖驍雄縱暴略與羗渾同聞道殺人漢水

上婦女多在官軍中

草堂

昔我去草堂蠻夸塞成都今我歸草堂成

一作此

都適

無虞請陳初亂時反覆乃須臾

一作斯頌

大將赴朝廷羣

小起異圖中宵斬白馬盟歆氣已麤西取邛南兵北

斷劍閣隅布衣數十人亦擁專城居其勢不兩大始

聞蕃漢殊西卒却倒戈賊臣互相誅焉知肘腋禍自

及梟獍徒義士皆痛憤紀綱亂相踰一國實三公萬

人欲為魚唱和作威福孰肯能一作辨無辜眼前列枉

械背後吹笙竽談笑行殺戮流一作血滿長衢到今

用鉞地風雨聞號呼鬼人一作妾與鬼馬色悲充爾娛

國家法令在此又足驚吁賤子且奔走三年望東吳

弧矢暗江海難為遊五湖不忍竟舍此復來薙榛蕪

入門四松在步屨蝶一作萬竹疎舊犬喜我歸低徊入

衣舊作裾鄰舍喜我歸沽酒攜葫蘆一云提大官喜

知一作我來遣騎問所須城郭喜知一作我來賓客隘一作

溢村墟天下尚未寧健兒勝腐儒飄飄一作風塵際一作

何地置一作致老夫於時見一作是疣贅骨髓幸未枯飲

啄媿殘生食薇不敢餘

四松

四松初移時大抵三尺強別來忽三載一作歲離立如

人長會看根不拔莫計枝凋傷幽色幸一作會秀發疎

柯亦已一作已昂藏所插小藩籬本亦有隄防終然振直庚

切撥損得恹一作愧千葉黃敢為故林主黎庶猶未康

避賊今始歸春草滿空堂覽物歎衰謝及茲慰淒涼

清風為我起洒面若微霜足以送老姿一作足為送老資聊待

將一作偃蓋張我生無根帶一作帶配爾一作汝亦茫茫有

情且賦詩事迹可兩一作兩可忘勿矜千載後慘澹蟠穹

蒼

水檻

蒼江多風颺雲雨晝夜飛茅軒駕巨浪焉得不低垂
遊子久在外門戶無人持高岸尚如一作谷何傷浮
柱欹扶顛有勸誠恐貽識者嗤既殊大廈傾可以一
木支臨川視萬里何必欄檻爲人生感故物慷慨有
餘悲

破船

平生江海心宿昔具扁舟豈惟青溪上日傍柴門遊
蒼皇避亂兵緬邈懷舊邱鄰人亦已非野竹獨脩脩
舳舻不重扣埋沒已經秋仰看西飛翼下愧東逝流
故者或可掘新者亦易求所悲數奔竄白屋難久留
營屋

我有陰江竹能令朱夏寒陰通積水內高入浮雲端
甚一作疑鬼物憑不顧翦伐殘東偏若面勢戶牖永

可安愛惜已六載茲晨去千竿蕭蕭見白日洶洶開
奔湍度堂匪華麗養拙異考槃草茅雖薙葺衰疾方
少寬洗然順所適此足代加餐寂無斤斧響庶遂憩
息歡

除草

吳若本注去蕪草也蕪音潛山韭

草有害于人曾何生阻修其毒甚蜂蠆其多彌道周
清晨步前林江色未散憂芒刺在我眼焉能待高秋
霜露一作雪一霑凝一作衣蕙葉亦難留荷鋤先童稚日
入仍討求轉致水中央豈無雙釣舟頑根易滋蔓敢
使依舊邱自茲一作移藩籬曠更覺松竹幽芟奪不可
闕疾惡信如讎

揚旗

二年夏六月成都尹巖公置酒公堂觀騎士試新旗幟

江

一作風

雨颯長夏府中有餘清我公會賓客肅肅有

異聲初筵閱軍裝羅列照廣庭庭空六一作四馬八駃

駃揚旗

一作旆

旌迴迴偃飛蓋熠熠迸流星來纏

一作衝

風颺急去擘山岳傾材歸俯身盡妙取略地平虹霓
就掌握舒卷隨人輕三州陷犬戎但見西嶺青公來
練猛士欲奪天邊城此堂不易升庸蜀日已寧吾徒
且加餐休適蠻與荆

● 太子張舍人遺織成褥段

客從西北來遺我翠

一作細

織成開緘風濤湧中有掉

尾鯨逶迤羅水族瑣細不足名客云充君褥承君終

宴榮空堂魑魅

一作魍魎

走高枕形神清領客珍重意願

我非公卿留之懼不祥施之混柴荆服飾定尊卑大

哉萬古程今我一賤老短

一作短

褐更無營煌煌珠宮

物寢處禍所嬰

一作縈

歎息當路子干戈尚縱橫掌握

有權柄衣馬自已一云肥輕李鼎死岐陽實以驕貴盈

來填賜自盡氣豪直真晉作阻兵皆聞黃金多坐見悔

吝生奈何田舍翁受此厚貺情錦鯨卷還客始覺心

和平振我麤席塵媿客茹飯一作藜羹皆聞一作昔聞

莫相疑行

男兒生無所成頭皓白樊作男兒一生無成頭皓白牙齒欲落真可

惜憶獻三賦蓬萊宮自怪一日聲輝荆一作燿赫集賢

學士如堵牆觀我落筆中書堂往時文彩動人主此

文粹日饑寒趨路旁晚將末契託年少文粹晚將末節契年少當

面輸一作論心背面笑寄謝悠悠世上兒不一作莫爭好

惡莫相疑

別蔡十四著作

賈生慟哭後寥落無其人安知蔡夫子高義邁等倫

獻書謁皇帝志已清風塵流涕灑丹極萬乘爲酸辛
天地則創夷朝廷當一作多正臣異才復間出周道日
惟新使蜀見知已別顏始一伸主人薨城府扶櫬歸
咸秦巴道此相逢會我病江濱憶念鳳翔都聚散俄
十春我衰不足道但願子意一作音陳稍令社稷安自
契魚水親我雖消渴甚敢忘帝力勤尙思未朽骨復
覩耕桑民積水駕三峽浮龍倚長津一作輪困揚舲洪濤
間仗子濟物身鞍馬下秦塞王城通北辰元甲聚不
散兵久食恐貧窮谷無粟帛使者來相因若憑逢一云
南轅吏陳作使書札到天垠

杜工部集卷第五

南輝爽... 溫天...

始... 各無... 來... 因...

... 王... 面... 天... 甲...

... 三... 氣... 前... 身...

... 其... 始... 帝... 衣... 履... 尚... 未...

... 十... 春... 好... 家... 不... 多... 重... 田... 願... 平... 意... 請... 上... 刻... 蘇... 令... 松... 鶴... 安... 自...

... 宜... 煮... 已... 齒... 此... 抹... 髮... 會... 齊... 齊... 以... 實... 對... 念... 願... 蘇... 香... 翠... 燈... 燈... 燈...

... 對... 佛... 雙... 龍... 長... 以... 已... 低... 鼓... 鼓... 一... 响... 主... 人... 義... 賦... 亦... 林... 松... 鶴... 安... 自...

... 天... 惟... 與... 陰... 寒... 薄... 交... 當... 一... 五... 田... 具... 大... 對... 開... 世... 氣... 安... 自...

... 書... 請... 皇... 帝... 志... 已... 肅... 風... 飄... 來... 來... 塵... 凡... 游... 萬... 乘... 安... 自...

杜工部集卷第六目錄

古詩五十三首

杜鵑

客居

客堂

石硯

水閣朝霽簡嚴雲安

贈鄭十八賁

三韻三篇

青絲

近聞

蠶殼行

折檻行

引水

古柏行

縛雞行

負薪行

最能行

寄裴施州

鄭典設自施州歸

柴門

貽華陽柳少府

雷

火

戲呈元二十一曹長

牽牛織女

毒熱寄簡崔評事十六弟

殿中楊監見示張旭草書圖

楊監又出畫鷹十二扇

送殿中楊監赴蜀見相公

贈李十五丈別

西閣曝日

課伐木

園人送瓜

信行遠修水筒

槐葉冷淘

行官張望補稻畦水歸

催宗文樹雞柵

園官送菜

上後園山腳

驅豎子摘蒼耳

秋行宮張望督促東渚耗稻向畢清晨遣女奴

阿稽豎子阿段問

阻雨不得歸灑西甘林

雨

雨二首

晚登灑上堂

又上後園山腳

雨

甘林

雨

種蒿苴

暇日小園散病將種秋菜督勒耕牛兼書觸目

杜工部集卷第六目錄

世工器業卷發大目錄

類日本國端南珠對火系會博博半兼書圖目

杜工部集卷第六

古詩五十三首

居雲安及至夔州作

杜鵑

西川有杜鵑東川無杜鵑涪萬無杜鵑雲安有杜鵑
 我昔遊錦城結廬錦水邊有竹一頃餘喬木上參天
 杜鵑暮春至哀哀叫其間我見常再拜重是古帝魂
 生子百鳥巢百鳥不敢嗔一作喧仍為餒其子禮若奉
 至尊鴻鴈及羔羊有禮太古前行飛與跪乳識序如
 又一作知恩聖賢古一作吾法則付與一作之後世傳君看
 禽鳥情猶解事杜鵑今忽暮春間值我病經年身病
 不能拜淚下如迸泉

客居

客居所居堂前江後山根下
 塹萬尋岸蒼濤鬱飛翻

葱青衆木梢邪豎雜石痕子規晝夜啼壯士斂精魂
峽開四千里水含數百源人虎相半居相傷終兩存
蜀麻久不來吳鹽擁荆門西南失大將商旅自星奔
今又降元戎已聞動行軒舟子候利涉亦憑節制尊
我在路中央生理不得論臥愁病腳廢徐步視小園
短畦帶碧草悵望思王孫鳳隨其皇去籬雀暮喧繁
覽物想故國十年別荒村日暮歸幾翼北林空自昏
安得覆八溟爲君洗乾坤稷契易爲力犬戎何足吞
儒生老無成臣子憂四番篋中有舊筆情至時復援

客堂

憶昨離少城而今異楚蜀舍舟復深山窅窅一林麓
棲泊雲安縣消中內相毒舊疾廿載一作戰來衰年
得無足一作得無足死爲殊方鬼頭白免短促老馬終

望雲南雁意在北別家長兒女欲起慚筋力客堂敘
節改具物對羈束石暄蕨芽紫渚秀蘆筍綠巴鷲一作
稼紛未稀傲麥早向熟悠悠日動江漠漠春辭木臺
郎選才俊自顧亦已極前輩聲名人埋沒何所得居
然縮章紱受性本幽獨平生憩息地必種數竿竹事
業只濁醪營葺但草屋上公有記者累奏資薄祿主
憂豈濟時身遠彌曠職循鮑作文廟算正獻可天衢
直尚想趨朝廷毫髮裨社稷形骸今若是進退委行
色

石硯詩

平侍
御者

平公今詩伯秀發吾所羨奉使三峽中長嘯得石硯
巨璞禹鑿餘異狀君獨見其滑乃波濤其光或雷電
聯均各盡墨多水遞隱現揮灑容數人十手可對面

比公頭上冠貞質未為賤當公賦佳句況得終清宴
公含起草姿不遠明光殿致于丹青地知汝隨顧盼

水閣朝霽奉簡嚴雲安一作雲安嚴明府

東城抱春岑江閣鄰石面崔嵬晨雲白朝旭一作日射

芳甸雨檻臥花叢風床展書卷一作展輕幔鉤簾宿鷺起

丸藥流鸞囀呼婢取酒壺續兒誦文選晚交嚴明府

矧此數相見

贈鄭十八賁

温温士君子令我懷抱盡靈芝冠衆芳安得闕親近
遭亂意不歸竄身跡非隱細人尚姑息吾子色愈謹
高懷見物理識者安肯哂卑飛欲何待捷徑應未忍
示我百篇文詩家一標準羈離交屈宋牢落值顏閔
水陸迷畏一作長途藥餌駐修軫古人日以遠青史字

不泯步趾詠唐虞追隨飯葵葶數盃資好事異味煩
縣尹心雖在朝謁力與願矛盾抱病排金門衰容豈
爲敏

三韻三篇

高馬勿唾

一作捶

面長魚無損鱗辱馬馬毛焦困魚魚

有神君看磊落士不肯易其身

蕩蕩萬斛船影若揚白虹

揚一作搖

起檣必椎牛挂席集

衆功自非風動天莫置大水中

烈

一作列

士惡多門小人自同調名利苟可取殺身傍

權要何當官曹清爾輩堪一笑

青絲

青絲白馬誰家子麤豪且逐風塵起不聞漢主放妃
嬪近靜潼關掃蜂蟻殿前兵馬破汝時十月卽爲虜

粉期未如一作知面縛歸金闕萬一皇恩下玉墀

近聞

近聞犬戎遠遁逃牧馬不敢侵臨洮渭水逶迤白日
淨隴山蕭瑟秋雲高崆峒五原亦無事北庭數有關
中使似聞贊普更求親舅甥和好應難棄

蠶穀行

天下郡國向萬城無有一城無甲兵焉得鑄甲作農
器一寸荒田牛得耕牛盡耕田一有蠶亦成不勞烈士
淚滂沱男穀女絲行復歌

折檻行

嗚呼房魏不復見秦王學士時難羨青衿胄子困泥
塗白馬將軍若雷電千載少似朱雲人至今折檻空
嶙峋婁公不語宋公語尚憶先皇容直臣

引水

月峽瞿塘雲作頂亂石崢嶸俗無井雲安沽水奴僕
悲魚復移心力省白帝城西萬竹蟠接筒引水喉
不乾人生留滯生理難斗水何直百憂寬

古柏行

孔明廟前

一作

有老柏柯如青銅根如石霜

一作

皮

溜雨

一作

四十圍黛色參天二千尺君臣已與時際

會樹木猶爲人愛惜雲來氣接巫峽長月出寒通雪

山白憶昨路遶錦亭

一作

東先主武侯同閱宮崔嵬

枝榦郊原古窈窕丹青戶牖空落落盤踞雖得地冥

冥孤高多烈風扶持自是神明力正直原因造化功

大廈如傾要梁棟萬年迴首邱山重不露文章世已

驚未辭翦伐誰能送苦心豈免容螻蟻香

一作

葉終

一作會經

一作驚

宿鸞鳳志士幽人莫怨嗟

一作傷

古來材

大難為用

一作難用皆

縛雞行

小奴縛雞向市賣雞被縛急相喧爭家中厭雞食蟲
蟻不知雞賣還遭烹蟲雞于人何厚薄吾叱奴人解
其縛雞蟲得失無了時注目寒江倚山閣

負薪行

夔州處女髮半華四五十無夫家更遭喪亂嫁不
售一生抱恨堪一作長咨嗟土風坐男使女立應一作坡作男
當門戶一作門當戶女出入十猶一作有八九負薪歸賣薪
得錢應一作當供給至老雙鬢一作鏡只垂頸野花山葉
銀釵並筋力登危集市門死生射利兼鹽井面妝首
飾雜啼痕地褊衣寒困石根若道巫山女麤醜何得

此一作北有昭君村

最能行

峽中丈夫絕輕死少在公門多在水富豪有錢駕大
舸貧窮取給行牒子小兒學問止論語大兒結束隨
商旅歛帆側施入波濤撇漩捎瀆無險阻朝發白帝
暮江陵頃來目擊信有徵瞿塘漫天虎鬚一作眼怒歸
州長年行一作與最能此鄉之人氣一作器量窄悞競南
風疎北客若道士一作土無英俊才何得山有屈原宅

寄裴施州

廊廟之具裴施州宿昔一逢無此一作比流金鐘大鏞

在東序冰壺玉衡英華作珩懸清秋自從相遇感晉作減多

病三歲為客寬邊愁堯有四岳明至理漢二千石真

分憂幾度寄書白鹽北苦寒贈我青羔一作絲裘霜雪

迴光避錦袖龍虵刊作蛟龍動篋蟠銀鉤紫衣使者辭一作

辟復命再拜故人謝佳政將老已失子孫憂後來況

接才華盛英華此句下有遙憶書樓碧池映七字

鄭典設自施州歸

吾憐滎陽秀冒暑初有適名賢慎所出一作出處不肯忘

行役旅茲殊俗遠一作還竟以屢空迫南謁裴施州氣

合無險僻攀援懸根木登頓入天草堂陳浩然並作矢石青山自

一川城郭洗憂感聽子話此邦令我心悅懌其俗則

甚一作純朴不知有主客温温諸侯門禮亦如古昔勅

廚倍常羞杯盤頗狼籍時雖屬喪亂事貴賞一作當匹

敵中宵愜良會裴鄭非遠戚羣書一萬卷博涉供務

隙他日辱銀鉤森疎見矛戟倒屣喜旋歸畫地求一作

來所歷乃聞風土質又重田疇闢刺史似寇恂列郡

宜競惜

音一作借迹

北風吹瘴癘羸老思散策渚拂蒹葭

塞

寒一云

嶠穿蘿薦冪此身仗兒僕高興潛有激孟冬

方首路強飯取崖壁歎爾疲駘汗溝血不赤終然
備外飾駕馭何所益我有平肩輿前途猶準的翩翩
入鳥道庶脫蹉跌厄

柴門

孤

泛一作

舟登灤西迴首望兩崖東城乾旱天其氣如

焚柴長影沒窈窕餘光散哈呀大江蟠嵌根歸海成

一家下衝割坤軸竦壁攢鏌鄣蕭颯灑秋色氣

一作氣

昏霾日車峽

一作峽

門自此始最窄容浮查禹功翊造

化疏鑿就欹斜巨渠決太古衆水爲長虵風煙渺吳

蜀舟楫通鹽麻我今遠遊子飄轉混泥沙萬物附本

性約

處一云

身

一作性

不願

一作欲

奢茅棟蓋一床清池有

餘花濁醪與脫粟在眼無吝嗟山荒人民少地僻日

夕佳貧病賤一作固其常富貴任生涯老于干戈際宅

幸蓬葦遮石亂上雲氣杉清晉作青延月一作日華賞妍

又分外理愜夫何誇足了垂白年敢居高士差書此

豁平昔迴首猶暮霞

貽華陽柳少府

繫馬喬木閒問人野寺門柳侯披衣笑晉作嘯見我顏

色温並坐石下堂一一云堂下石二云石堂下俛視大江奔火雲洗月

露絕壁上朝暎自非曉相訪觸熱生病根南方六七

月出入異中原老少多暍死汗踰水漿翻俊才得之

子筋力不辭煩指揮當世事語及戎馬存涕淚流涕

濺我裳悲氣排帝闈鬱陶抱長策義仗知者論吾衰

臥江漢但媿識璵璠文章一小技於道未為尊起予

幸斑白因是託子孫俱客古信州結廬依毀垣相去
四五里徑微山葉繁時危挹佳士况免軍旅喧醉從
趙女舞歌鼓秦人盆子壯顧我傷我驩兼淚痕餘生
如過烏故里今空村

雷

大旱山岳焦密雲復無雨

一云覆如雨

南方瘴癘地懼此

農事苦封內必舞雩峽中喧擊鼓真龍竟寂寞土梗
空俯僂吁嗟公私病稅斂缺不補故老仰面蹄瘡痍
向誰數暴尪或前聞鞭巫非稽古請先偃甲兵處分
聽人主萬邦但各業一物休盡取水旱其數然

一云數至

然

堯湯免親覩上天鑠金石羣盜亂豺虎二者存一

端愆陽不猶愈昨宵殷其雷風過齊萬弩復吹霾翳
散虛覺神靈聚氣暘腸胃融汗滋衣裳污

一云腐

吾衰

尤拙計計一云拙失望築場圃

火

楚山經月火大旱則斯舉舊俗燒蛟地一作龍驚惶致

雷雨爆嵌魑魅泣崩凍嵐陰昡羅落沸百泓根源皆

萬一作太古青林一灰燼雲氣無處所入夜殊赫然新

秋照牛女風吹巨焰作河棹淡一作騰勝一作煙柱勢欲

焚崑崙光彌燼洲渚腥至焦長虵聲吼吼一云爭纏猛虎

神物已高飛不一作只見石與土爾寧要謗讞憑此近

熒侮薄關長吏憂甚昧至精主遠遷誰撲滅將恐及

環堵流汗臥江亭更深氣如縷

七月三日亭午已後較熱退晚加小涼穩睡有

詩因論壯年樂事戲呈元二十一曹長

今茲商用事餘熱亦已末衰年旅炎方生意從此活

亭午減汗流北鄰耐人聒晚風爽烏匱筋力蘇摧折
閉目踰十旬大江不止渴退藏恨雨師健步聞一作

旱魃園蔬抱金玉無以供採掇密雲雖聚散徂暑終

經一作衰歇前聖昏焚巫武王親救暵陰陽相主客時

序遞迴斡灑落唯清秋昏霾一空闊蕭蕭紫塞雁南

向欲行列歛思紅顏日霜露凍堦闐胡馬挾彫弓鳴

弦不虛發長鉞逐一作狡兔突羽當滿月惆悵白頭

吟蕭條游俠窟臨軒望山閣縹緲安可越高人煉丹

砂未念將朽骨少壯跡頗疎歡樂曾倏忽杖藜風塵

際老醜難翦拂吾子得神仙本是池中物賤夫美一

睡煩促嬰詞筆

牽牛織女

牽牛出河西織女處其東萬古永相望七夕誰見同

神光

一作仙

意

一作竟

難候此事終蒙隴颯然精靈合何

必秋遂通亭亭新妝立龍駕具曾空

一作穹

世人亦為

爾祈請走兒童稱家隨豐儉白屋達公宮膳夫翊堂

殿鳴玉淒房櫛曝衣遍天下曳月揚微風蛛絲小人

態曲綴

一作掇

瓜果中初筵瀼重露日出甘所終

一作從

嗟汝未嫁女秉心鬱忡忡防身動如律竭力機杼中

雖無姑舅事敢昧織作功明明君臣契咫尺或未容

義無棄禮法恩始夫婦恭小大有佳期戒之在至公

方圓苟齟齬丈夫多英雄

一云勿替丈夫雄

毒熱寄簡崔評事十六弟

大暑

一作火

運金氣荆揚不知秋林下有塌翼水中無

行舟千室但掃地閉關人事休老夫

一作大

轉不樂旅

次兼百憂蝮虵暮偃蹇空牀難暗投炎宵惡明燭況

乃懷舊邱開襟仰內弟執熱露白頭束帶負芒刺接
居成阻修何當清霜飛會子臨江樓載聞大易義諷
興一作詠詩家流蘊藉異時輩檢身非苟求皇皇使臣
體信是德業優楚材擇杞梓漢苑歸驂騶短章達我
心理爲待一云識者籌

殿中楊監見示張旭草書圖

斯人已云亡草聖祕難得及茲煩見示滿目一凄惻
悲風生微綃萬里起古色鏘鏘鳴玉動落落羣松直
連山蟠其間溟漲與筆力有練實先書臨池真盡墨
俊拔爲之主暮年思轉極未知張王後誰並百代則
嗚呼東吳精逸氣感清識楊公拂篋笥舒卷忘寢食
念昔揮毫端不獨觀酒德

楊監又出畫鷹十二扇

近時馮紹正能畫鷲鳥樣明公出此圖無乃傳其狀
殊姿各獨立清絕心有向尚一作疾禁千里馬氣敵萬

人將憶昔驪山宮冬移含元仗天寒大羽獵此物神
俱王當時無凡材百中皆用壯粉墨形似閒識者一

惆悵干戈少暇日真骨老崖嶂為君除狡兔會是翻

飛一作鞞上

送殿中楊監赴蜀見相公

去水絕還波洩雲無定姿人生在世閒聚散亦暫時
離別重相逢偶然豈定期送子清秋暮風物長年悲
豪俊貴勳業邦家頻出師相公鎮梁益軍事無孑遺
解榻再見今用才復擇誰況子已高位為郡得固辭
難拒供給費慎哀漁奪私干戈未甚息紀綱正所持
汎舟巨石橫登陸草露滋山門日易久夕一云當念居

者思

贈李十五丈別

峽人鳥獸居其室附層顛下臨不測江中有萬里船
多病紛倚薄少留改歲年絕域誰慰懷開顏喜名賢
孤陋忝末親等級敢比肩人生意頗一作氣合相與襟

袂連一日兩遣僕三日一共筵揚論展寸心壯筆過
飛泉元成美價存子山舊業傳不聞八尺軀常受衆
目憐且爲辛苦行蓋被生事牽北迴白帝棹南入黔
陽天汧公制方隅迴出諸侯先封內如太古時危獨
蕭然清高金莖露一作金掌露
一作金莖掌正直朱絲絃昔在堯四

岳今之黃潁川于邁恨不同所思無由宣山深水增

波解榻秋露懸客遊雖云久主要陳作亦思月再圓晨集

風渚亭醉操雲嶠篇丈夫貴知己歡罷念歸旋

西閣曝日

凜冽倦元冬負暄嗜飛閣羲和流德澤顓頊愧倚薄

毛髮具自和

一作私

肌膚潛沃若太陽信深仁衰氣歛

有託欵傾煩注眼容易收病腳流離

或作瀾漓

木杪

一作梢

猿翻躩山顛鶴用

刊作朋

知苦聚散哀樂日已作

一作亦已

昨卽事會賦詩人生忽如昨

一作錯

古來遭喪亂賢聖

盡蕭索胡為將暮年憂世心力弱

課伐木

并序

課隸人伯夷幸

一作辛

秀信行等入谷斬陰木人日

四根止維條伊枚正直挺然晨征暮返委積庭內

我有藩籬是缺是補載伐篠蕩伊仗

一作杖

支持則

旅次于小安山有虎知禁若恃爪牙之利必昏黑

檜

晉作攆

突夔人屋壁列

一作劄

樹白菊

一作菊

鏝為

牆實以竹示式遏為與虎近混淪乎無良賓客憂

一作齒

害馬之徒苟活為幸可嘿息已作詩示宗武

一作文誦

長夏無所為客居課奴

一作童

僕清晨飯其腹

一作腸

持

斧入白谷青冥曾巔後十里斬陰木人肩四根已亭

午下山麓尚聞丁丁聲功課日各足蒼皮成委積

吳本

作積

委素節相照燭藉汝跨小籬當仗

一云云

杖苦

若一云

虛竹空荒咆熊羆乳獸待人肉不示知禁情豈惟干

戈哭城中賢府主處貴如白屋蕭蕭理體淨蜂蠆不

敢毒虎穴連里閭隄防舊風俗泊舟滄江岸久客慎

所觸舍西崖嶠壯雷雨蔚含蓄牆宇資屢修衰年怯

幽獨爾曹輕執熱為我忍煩促秋光近青岑季月當

泛菊報之以微寒共給酒一斛

園人送瓜

江閒雖炎瘴瓜熟亦不早柏公鎮夔國滯務茲一作資

一掃食新先戰士共少及溪窮一作老傾筐蒲鵠青滿

眼顏色好竹竿接嵌竇引注來鳥道沈浮亂水玉愛

惜如芝草落及嚼冰霜開懷慰枯槁許以秋蒂除仍

看小童兒一作抱東陵溪一作跡蕪絕楚漢休征討園人

非故侯種此何草草

信行遠修水筒

汝性不茹葷清靜僕夫內秉心識本根一作源於事少

滯礙雲端水筒坼林表山石碎觸熱藉子修通流與

廚會往來四十里荒險崖谷大日曛驚未餐食一作貌

赤媿相對浮瓜供老病裂餅嘗所愛於斯答恭謹足

以殊殿最詎要方士符何假將軍蓋高麗本行諸直

如筆用意崎嶇外

槐葉冷淘

青青高槐葉采掇付中廚新麵來近市汁滓宛相俱
入鼎資過熟如餐愁欲無碧鮮俱照筋香飯兼苞蘆
經齒冷于雪勸人投此一作此珠願隨金驪裹走置錦
屠蘇又作磨蘇路遠思恐泥興深終不渝獻芹則小小薦
藻明區區萬里露寒殿開冰清玉壺君王納涼晚此
味亦時須

行官張望補稻畦水歸

東屯大江北大江云枕百頃平若按六月青稻多千畦

碧泉亂插秧適云已引溜加漑灌更僕往方塘決渠

當斷岸公私各地著浸潤無天旱主守問家臣分明

朋一作見溪伴一作伴芊芊一作芊芊炯翠羽剡剡生一作向

銀漢鷗鳥鏡裏來關山雪邊看秋菰成黑米精鑿一作

敷傳白粲玉粒足晨炊紅鮮任霞散終然添旅一作

食作苦期壯觀遺穗及衆多我倉戒滋蔓

催宗文樹雞柵

吾衰怯行邁旅次展崩迫愈風傳烏雞秋卯方漫喫

自春生成者隨母向百翮驅趁制不禁喧呼山腰宅

課奴殺青竹終日憎一作增赤幘踏藉盤按翻塞蹊

使之隔牆東有隙晉作地可以樹高柵避熱時來晉

未歸問兒所爲跡織籠曹其內令入不得擲稀閑可

一作苦突過觜爪還汚席我寬螻蟻遭彼免狐貉厄應

宜各長幼自此均勅敵籠柵念有修近身見一作損

益明明領處分一一當剖析不昧風雨晨亂離減憂

感其流則凡鳥其氣心匪石倚賴窮歲晏撥煩去一作

及冰釋未似尸鄉翁拘留蓋阡陌

園官送菜

并序

園官送菜把本數日闕矧苦苣馬齒掩乎嘉蔬傷
小人妬害君子菜不足道也比而作詩

清晨蒙

送一作

菜把常荷地主恩守者愆實數略有其

名存苦苣刺如針馬齒葉亦繁青青嘉蔬色埋沒在
晉作中園園吏未足怪世事固堪論嗚呼戰伐久荆

棘暗長原乃知苦苣輩傾奪蕙草根小人塞道路爲
態何喧喧又如馬齒盛氣擁葵荏昏點染不易虞絲
麻雜羅紈一經器一作氣物內永挂麤刺痕志士採紫
芝放歌避戎軒畦丁負籠至感動百慮端

上後園山腳

朱夏熱所嬰清旭

一作日

步北林小園背高岡挽葛上

崎崙曠望延駐目飄颻散疏襟潛鱗恨水一作川壯去

翼依雲深勿謂地無疆劣於山有陰石棟遍天下水

陸兼浮沉自我登隴首十年經碧岑劍門來巫峽薄

倚浩至今故園暗戎馬骨肉失追尋時危無消息老

去多歸心志士惜白日久客藉黃金敢為蘇門嘯庶

作梁父吟

驅豎子摘蒼耳

江上秋已分林一作村中瘴猶劇哇丁告勞苦無以供

日夕蓬莠獨不一作獨猶焦野蔬暗泉石卷耳況療風童

兒且時摘一云童僕先時摘侵星驅之去爛熳任遠適放筐亭

一作當午際洗剝相蒙羃登牀半生熟下筯還小益加

點瓜薤閒依稀橘一作木奴跡亂世誅求急黎民糠粃

窄飽食復何心荒哉膏梁客富家廚肉臭戰地骸骨

白寄語惡少年黃金且休擲

秋行官張望督促東渚耗

刈一作

稻向畢清晨遣

女奴阿稽豎子阿段往問

東渚雨今足佇聞粳稻香上天無偏頗蒲稗各自長

人情見非類田家戒其荒功夫競櫓櫓除草置岸旁

穀者命之

今云

本客居安可忘青春具所務勤墾免

亂常吳牛力容易並驅

去聲

動莫當

一云

紛

豐苗亦已

概雲水照方塘有生固蔓延靜一資隄防督領不無

人提攜

一作

頗在綱荆揚風土暖肅肅候微霜尙恐

主守疎用心未甚臧清朝遣婢僕寄語踰崇岡西成

聚必散不獨陵我倉豈要仁里譽感此亂世忙北風

吹蒹葭蟋蟀近中堂荏苒百工休鬱紆遲暮傷

阻雨不得歸瀼西甘林

三伏適已過驕陽化爲霖欲歸灑西宅阻此江浦深
 壞舟百板坼峻岸復萬尋篙工初一棄恐泥勞寸心
 佇一作倚立東城隅悵望高飛禽草堂亂元圃不隔崑
 崙岑昏渾衣裳外曠絕同層陰園甘長成時三寸如
 黃金諸侯舊上計厥貢傾千林邦人不足重所迫豪
 吏侵客居暫封殖日夜偶瑤琴虛徐五株態側塞煩
 胸襟焉得一作能輟兩一作雨足杖藜出嶇嶽條流數翠
 實偃息歸碧潯拂拭烏皮几喜聞樵牧音令兒快搔
 背脫我頭上簪

雨

峽雲行清曉煙霧相徘徊風吹蒼江樹晦菴作去雨灑石
 壁來淒淒生餘寒殷殷兼出一作山雷白谷變氣候朱
 炎安在哉高鳥溼不下居人門未開楚宮久已滅幽

珮爲誰哀侍臣書王夢賦有冠古才冥冥翠龍駕多
自巫山臺

雨二首

青山澹無姿白露誰能數片片水上雲蕭蕭沙中雨
殊俗狀巢居曾臺俯風渚佳客適萬里沉思情延佇
挂帆遠色外驚浪滿吳楚久陰蛟螭出寇盜冠蓋復
幾許

空山中宵陰微冷先枕席迴風起清曙萬象萋已碧
落落出岫雲渾渾倚天石日假何道行雨含長江白
連檣荊州船有士荷矛戟南防草鎮慘霑溼赴遠役
羣盜下辟山總戎備強敵水深雲光廓鳴櫓各有適
漁艇息一作自悠悠夸歌負樵客留滯一老翁書時記
朝夕

晚登灤上堂

故躋灤岸高頗免崖石擁開襟野堂豁繫馬林花動
雉堞粉如雲山田麥無壟春氣晚更生江流靜猶湧
四序嬰我懷羣盜久相踵黎民困逆節天子渴垂拱
所思注東北深峽轉修聳衰老自成病郎官未爲冗
凄其望呂葛不復夢周孔濟世數嚮時斯人各枯冢
楚星南天黑蜀月西霧重安得隨烏翎迫此懼將恐

又上後園山脚

昔我遊山東憶戲東嶽陽窮秋立日觀矯首望八

云一

北荒朱崖著毫髮碧海吹衣裳蓐收困用事元冥蔚

强梁逝水自朝宗鎮名各其方平原獨憔悴農力廢

耕桑非關

一作北關

風露凋曾是戍役傷於時國用富足

以守邊疆朝廷任猛將遠奪戎馬場到今事反覆故

老淚萬行龜蒙不復見況乃懷舊一作故鄉肺萎屬久
戰骨出熱中腸憂來杖匣劍更上林北岡瘴毒猿鳥
落峽乾南日黃秋風亦已起江漢始如湯登高欲有
往蕩析川無梁哀彼遠征人去家死路旁不及祖父
塋纍塚相當

雨

山雨不作塗江雲薄爲霧晴飛半嶺鶴風亂平沙樹
明滅洲景微隱見巖姿露拘悶出門遊曠絕經目趣
消中日伏枕臥久塵及屨豈無平肩輿莫辨望鄉路
兵戈浩未息虵虺反相顧悠悠邊月破鬱鬱流年度
鍼灸阻朋曹糠粃對童孺一命須屈色新知漸成故
窮荒益自卑飄泊欲誰訴危羸愁應接俄頃恐違一作
迂浮俗何萬端幽人有獨吳作高步龐公竟獨往尚

子終罕遇宿留洞庭秋天寒瀟湘素杖策可入舟送
此齒髮暮

甘林

捨舟越西岡入林解我衣青芻適馬性好鳥知人歸
晨光映遠岫夕露見日晞遲暮少寢食清曠喜荆扉
經過倦俗態在野無所

或一云

違試問甘藜藿未肯羨

輕肥喧靜不同科出處各天機勿矜朱門是陋此白
屋非明朝步鄰里長老可以依時危賦斂數脫粟爲
爾揮相攜行荳田秋花靄菲菲子實不得喫貨市送
王畿盡添軍旅用迫此公家威主人長跪問戎馬何
時稀我衰易悲傷屈指數賊圍勸其死王命慎莫遠
奮飛

雨

行雲遞崇高飛雨靄而至潺潺石間溜泊泊松上駛

亢陽乘秋熱百穀皆亦一作已棄皇天德澤降焦卷有

生意前雨傷卒暴今雨喜容易不可無雷霆閒作鼓

增氣佳聲達中宵所望時一致清霜九月天髣髴見

滯穗郊扉及我私一云栽耘我圃日蒼翠恨無抱甕力庶

減臨江費吳若本注峽內無井取江水喫

種蒿苳 并序

既雨已秋堂下理小畦隔種一兩席許蒿苳向二

旬矣而苳不甲坼伊人一作獨野莧青青傷時君子或

晚得微祿輒軻不進因作此詩

陰陽一錯一作屯亂驕蹇不復理枯旱于其中炎方慘

如燬植物半蹉跎嘉生將已矣雲雷歛奔命師伯集

所使指麾赤白日瀕洞青光一作雲色起雨聲先已晉作以

風散足盡西靡山泉落滄江霹靂猶在耳終朝紆颯
杳信宿罷瀟灑堂下可以畦呼童對經始苴兮蔬之
常隨事藝其子破塊數席閒荷鋤功易止兩旬不甲
坼空惜埋泥滓野莧迷汝來宗生實於此此輩豈無
秋亦蒙寒露委翻然出地速滋蔓戶庭毀因知邪干
正掩抑至沒齒賢良雖得祿守道不封已擁塞敗芝
蘭衆多盛荆杞中園陷蕭艾老圃永爲恥登于白玉
盤藉以如霞綺莧也無所施胡顏入筐篚

暇日小園散病將種秋菜督勒耕牛兼書觸目

不愛入州府畏人嫌我真及乎歸茅宇一云及歸在茅屋旁舍

未曾嗔老病忌恐一作拘束應接喪精神江村意自一作

日放林木心所欣秋耕屬地溼山雨近甚勻冬菁飯

之半牛力晚曉一作來新深耕種數畝未甚後四鄰嘉

蔬既不一名數頗具陳荆巫非苦寒採擷接青春飛
來兩白鶴暮啄泥中芹雄者左翮垂損傷已露一作及
筋一步再流血尙經一作驚矰繳勤三步六號叫志屈
悲哀頻鸞鳳不相待側頸訴高旻杖藜俯沙渚爲汝
鼻酸辛

杜工部集卷第六

杜工部集卷第七目錄

古詩四十九首

八哀詩 并序

王公思禮

李公光弼

鄭國公巖武

汝陽王璣

李公邕

蘇公源明

鄭公虔

張公九齡

寫懷二首

可歎

觀公孫大娘弟子舞劍器行

并序

往在

昔遊

壯遊

遣懷

同元使君春陵行

并序

春陵行

元結

賊退示官吏

元結

李潮八分小篆歌

覽柏中允兼子姪數人除官制詞因述父子兄

弟四美載歌絲綸

聽楊氏歌

荆南兵馬使太常卿趙公大食刀歌

王兵馬使二角鷹

狄明府

秋風二首

久雨期王將軍不至

別李祕書始興寺所居

虎牙行

錦樹行

赤霄行

前苦寒行二首

後苦寒二首

晚晴

復陰

夜歸

寄柏學士林居

寄從孫崇簡

奉酬薛十二丈判官見贈

醉爲馬墜諸公攜酒相看

別李義

送高司直尋封閩州

君不見簡蘇僊

贈蘇僊

寄薛三郎中

大覺高僧蘭若

杜工部集卷第七目錄

杜工部集卷第七

古詩四十九首 居夔州作

八哀詩 并序

傷時盜賊未息興起王公李公歎舊懷賢終于張相國八公前後存沒遂不詮次焉

贈司空王公思禮 高麗人

司空出東夷童稚刷勁翮追隨燕薊兒穎銳 一作脫 物

不隔服事哥舒翰意無 晉作氣無 流沙磧未甚拔行間犬

戎大充斥短小精悍姿屹然強寇敵貫穿百萬衆出

入由咫尺馬鞍懸將首甲外控鳴鏑洗劍青海水刻

銘天山石九曲非外蕃其王轉深壁飛兔不近駕鷲

鳥資遠擊曉達兵家流飽聞春秋癖胸襟日沉靜肅

肅 晉作蕭灑 自有適潼關初潰散萬乘猶辟易偏裨無所

施元帥見手格太子入朔方至尊狩梁益胡馬纏伊

洛中原氣甚逆肅宗登寶位塞望勢敦迫逼一作公時

徒步至請罪將厚責際會清河公間道傳玉冊天王

拜跪畢讜議果冰釋翠華卷飛雪雲中熊虎巨阡

陌屯兵鳳凰山帳殿涇渭關金城賊咽喉詔鎮雄所

搯禁暴清一作靜無雙爽氣春淅瀝巷有從公歌野

多青青麥及夫哭廟後復領太原役恐懼祿位高悵

望王土窄不得見清時嗚呼就窀穸永空一作繫五湖

舟悲甚田橫客千秋汾晉間事與雲水白昔觀文苑

傳豈述廉藺績蹟一作嗟嗟晉作諾諾鄧大夫士卒終倒戟

故司徒李公光弼廣德二年七月卒

司徒天寶末北收晉陽甲胡獷一作騎攻吾城愁寂意

不愜人安若泰山薊北斷右脅朔方氣乃多一作蘇黎

首見帝業二宮泣西郊九廟起頽壓未散河陽卒思

明偽臣妾復自碣石來火焚乾坤獵高視笑祿山公

又大獻捷大捷一云獻異王冊崇勳小敵信所怯擁兵鎮

河汴千里初妥帖青蠅紛一作徒營營風雨秋一葉內

省未入朝死淚終映睫大屋去高棟長城埽遺堞平

生白羽扇零落蛟龍匣雅望與晉作英姿惻愴槐里

接三軍晦光彩烈士痛稠疊直筆在史臣將來洗箱

篋吾思哭孤冢南紀阻歸楫扶顛永蕭條未濟失利

涉疲茶竟何人洒涕巴東峽

贈左僕射鄭國公嚴公武永泰元年卒

鄭公瑚璉器華岳金天晶昔在童子日已聞老成名

嶷然大賢後復見秀骨清開口取將相小心事友生

閱書百紙氏一云盡落筆四座驚歷職匪父任嫉邪常

力爭漢儀尙整肅胡騎忽縱橫飛傳自河隴逢人問
公卿不知萬乘一作乘輿出雪涕風悲鳴受詞劍閣道謁

帝蕭關城寂寞雲臺仗飄颻沙塞旌江山少使者笳

鼓凝皇情壯士血相視見一作忠臣氣不未一作平密論

貞觀體揮發岐陽征感激動四極聯翩收二京西郊

牛酒再至一作原廟丹青明匡汲俄寵辱衛霍竟哀榮

四登會府地三掌華陽兵京北空柳色市一作尙書無

履聲羣鳥自朝夕白馬休橫行諸葛蜀人愛文翁儒

化成公來雪山重公去雪山輕記室得何遜韜鈴延

子荆四郊失壁壘虛館開逢迎堂上指圖書一作畫軍

中吹玉笙豈無成都酒憂國只細傾時觀錦水釣問

俗終相并意待犬戎滅人藏紅粟盈以茲報主願庶

或一作獲裨世程炯炯一心在沉沉二豎嬰顏回竟短

折賈誼徒忠貞飛旄出江漢孤舟轉荆衡虛無

舊本作虛

為時本作虛橫橫字蓋公自况也

馬融笛悵望龍驤瑩空餘老賓客身

上愧簪纓

贈太子太師汝陽郡王璿

天寶九載卒

汝陽讓帝子眉宇真天人虬鬚似太宗色映塞外

一作

寒夜春往者開元中主恩視遇頻出入獨非時禮畢見

羣臣愛其謹潔極倍此骨肉親從容聽

一作退

朝後或

在風雪晨忽思格猛獸苑囿騰清塵羽旗動若一萬

馬肅駘駘詔王來射雁拜命已挺身箭出飛鞚內上

又

一作人

回翠麟翻然紫塞翮下拂明月輪胡人雖獲

多天笑不為新王每中一物手自與金銀袖中諫獵

書扣馬久上陳竟無銜檄虞聖聰

一作慈

矧多仁官免

供給費水有在藻鱗匪唯帝老大皆是王忠勤晚年

務置醴門引申白賓道大容無能永懷侍芳茵好學
尚貞烈義形必霑巾揮翰綺繡揚篇什若有神川廣
不可泝墓久狐兔鄰宛彼漢中郡文雅見天倫何以
開一作慰我悲泛舟俱遠津温温昔風味少壯已書紳
舊遊易磨滅衰謝增多一作酸辛

贈秘書監江夏李公邕

長嘯宇宙間高才日陵

淪一作

替古人不可見前輩復

誰繼憶昔李公存詞林有根柢聲華當健筆灑落富
清製風流散金石追琢山岳銳情窮造化理學貫天
人際干謁走其門碑版照四裔各滿深望還森然起
凡例蕭蕭白楊路洞徹晉作寶珠惠龍宮塔廟湧十
躑浩劫浮雲空一作衛宗儒俎豆事故吏去思計眇眇
已皆虛跋涉曾不泥向來映當時豈獨一作特勸後世

豐屋珊瑚鉤騏驎織成蜀紫駟隨劍几義取無虛歲

分宅脫驂間感激懷未濟衆歸調給美擺落多藏晉作

賊穢獨步四十年風聽九皋唳嗚呼江夏姿竟掩宣

尼袂往者武后朝引用多寵嬖否臧太常議面折二

三晉作張勢衰俗凜生風拂蕩秋旻霽忠貞負冤晉作

恨宮闕深旒綴放逐早聯翩低垂困炎厲日斜鵬鳥

入魂斷蒼梧帝榮策一作枯走不暇星駕無安稅幾分

漢廷竹夙擁文侯簪終悲洛陽獄事近小臣敝斃一作

禍階初負謗易力何深濟伊昔臨淄亭酒酣托末契

重敘東都別朝陰改軒砌論文到崔蘇指晉作盡流

水逝近伏盈川雄楊炯未甘特進麗李嶠是非張相國燕公

說相扼一危脆爭名古豈然鍵捷英華作關鍵注云鍵捷二字廣韻通用斂

不閉例一作及吾家詩曠懷掃氛翳慷慨嗣真作李和

夫大咨嗟玉山桂鍾律儼高懸鯤鯨噴迢遞坡陀青州
血蕪沒汶陽瘞哀贈竟蕭條恩波延揭厲子孫存如
綫舊客舟凝滯君臣尚論兵將帥接燕薊朗詠六公
篇張桓等五王
泊狄相六公憂來豁蒙蔽

故秘書少監武功蘇公源明

武功少也孤徒步客

寓一作

徐兗讀書東岳中十載考

墳典時下萊蕪郭忍饑浮雲巘負米晚為身每食臉

必泫夜字照蒸薪垢衣生

帶一作

碧蘚庶以勤苦志報

茲劬勞顯

願一作

學蔚醇儒姿文包舊史善灑落

淚一作

辭幽人歸來潛京輦射君東堂策

魯作射策
君東堂

宗匠集精

選制可題

題一作
墨

未乾乙科

休一作
聲

已大闡文章日自

負吏祿

晉作
掾吏

亦累踐晨趨闈闔內足踏宿昔趺一麾

出守還黃屋朔風卷不暇陪八駿虜庭悲所遣平生

滿樽酒斷此朋知展憂憤病二秋有恨石一作不可轉

肅宗復社稷得無逆順辨范曄顧其兒李斯憶黃犬

秘書茂松意文苑英華云秘書茂松色屢扈祠壇墀前後百卷文枕藉皆禁鬱篆刻揚雄流溟漲本末淺王仲正

本屢扈作再從篆刻作制作溟漲本末淺青熒芙蓉劍犀兕豈獨刺

反為後輩褻予實苦懷緬煌煌齋房芝事絕萬手蹇

垂之俟來者正始徵一作避嫌名勸勉不要一作惡懸黃金

胡為投乳一作亂贊結交三十載吾與誰遊衍滎陽復

冥寞罪罟已橫罟音法嗚呼子逝日始泰則晉作終蹇

長安米萬錢凋喪盡餘喘戰伐何當解歸帆阻清沔

尚纏漳水疾永負蒿里錢

故著作郎貶台州司戶滎陽鄭公虔

鷄鷄至魯門不識鐘鼓饗孔翠望赤霄愁思一作入雕

籠養滎陽冠衆儒早聞名公賞地崇士大夫況乃氣

精爽

往者公在疾蘇許公頽位尊望重素未相識早
愛才名躬自哀問後結忘年之契遠邇嘉之

天然生知

姿學立游夏上神農極闕漏黃石愧師長藥纂西極

一作

名兵流指諸掌

公著書最等諸書之外又撰胡本草七卷

貫穿無遺恨蒼

蕞何技癢圭臬星經奧蟲篆丹青廣子雲窺未遍方

朔諧太枉神翰顧不一體變鍾兼兩文傳天下口大

字猶在榜昔獻書畫圖新詩亦俱往滄洲動玉陛宣

一作

鶴誤一響三絕自御題四方尤所仰嗜酒益疎

放彈琴視天壤形骸實土木親近唯几杖未曾寄

魯作

記官曹突兀倚書幌晚就芸香閣胡塵昏坱莽反覆

歸聖朝點染無滌盪老蒙台州掾泛泛

英華作還泛

淞江

槩履穿四明雪飢拾楸溪橡空聞紫芝歌不見杏壇

丈天長眺東南秋色餘颺颺別離慘至今斑白徒懷

曩春深秦

一作秦

山秀葉墜清渭朗劇談王侯門野稅

林下鞅操紙終夕酣時物集遐想詞場竟疎闊平昔

濫吹

晉作各

獎百年見存沒牢落吾安放

一作

蕭條阮

咸在出處同世網他日訪江樓含悽述飄蕩

故右僕射相國

英華有曲江一二字

張公九齡

開元二十八年七月卒

相國生南紀金璞無留礦仙鶴下人間獨立霜毛整

矯然江海漢一作思復與雲路永寂寞想土玉一作階未

遑等箕潁上君白玉堂倚君金華省碣石

竭一作

歲崢嶸天地池一作日蛙黽退食吟大庭何心記

託一作

榛梗

骨驚畏曩哲鬢

鬢一作

變負人境雖蒙換蟬冠右地愿

金紫

多幸敢忘志一作二疏歸痛迫蘇耽并紫綬

年荊州謝所領庾公興不淺黃霸鎮每靜賓客引調

同諷詠在務屏詩罷地有餘

一云詩地能有餘

陽發陰管淑氣含公鼎乃知君子心用才文章境散

珍做宋版印

帙起翠螭倚薄巫廬並綺麗元暉擁牋誅任昉騁自

我一作成一家則一作削未缺隻字警千秋滄海南名繫

朱鳥影歸老守故林戀闕悄一作嘗延頸波濤良史筆

蕪絕大庾嶺向時禮數隔制作難上請再讀徐孺碑

猶思理烟艇

寫懷二首

勞生共乾坤何處異風俗冉冉自趨競行行見羈束

無貴賤不悲無富貧亦足萬古一骸骨鄰家遞歌哭

鄙夫到巫峽三歲如轉燭全命甘留滯忘情任榮辱

朝班及暮齒日給還脫粟編蓬石城東採藥山北一作

林谷用心霜雪間不必條蔓綠非關故安排曾是順

幽獨達士如弦直小人似鈞曲曲直我不知負暄候

樵牧

夜深坐南軒明月照我剌驚風翻河漢梁棟已出日

一作日羣生各一宿飛動自儔匹吾亦驅其兒營營

為私實晉作天寒行旅稀歲暮日月疾榮名忽感一云

中人世亂如蠨風古者三皇前滿腹志願畢胡為有

結繩陷此膠與漆禍首燧人氏厲階董狐筆君看燈

燭張轉使飛蛾密放神八極外俯仰俱蕭瑟終契如

往還一云終然契真如得匪合仙術一作歸匪金仙術

可歎

天上浮雲如一作似白衣斯須改變如蒼狗古往今來

共一時人生萬事無不有近者抉眼去其夫陳作河

東女兒身姓柳丈夫正色動引經艷城客子王季友

羣書萬卷常暗誦孝經一通看在手貧窮老瘦家賣

屐一作履好事就之為攜酒豫章太守高帝孫引為賓

客敬頗久聞一作問道三年未曾語小心恐懼閉其口

太守得之更不疑人生反覆看亦醜明月無瑕豈容

易紫氣鬱鬱猶衝斗時危可仗真豪俊二人得置君

側否太守頃者領山南邦人思之比父母王生早曾

拜顏色高山之外皆培塿用為羲和天為成用平水

土地為厚王也論道阻江湖李也丞疑曠前後死為

星辰終不滅致君堯舜焉肯朽吾輩碌碌飽飯行風

后力牧長迴首

觀公孫大娘弟子舞劍器行并序

大歷二年十月十九日夔府別駕元持一作特宅見

臨穎李十二娘舞劍器壯其蔚跂問其所師此一本

有答字曰余公孫大娘弟子也開元三載一作五載時

七齡思即壯六歲觀劍似無不可詩云五十年間似反掌自余

開元五年至是年凡五十一年草堂注云疑作十二載誤也

尚童穉記於郾城觀公孫氏舞劍器渾脫瀏灑頓

挫獨出冠時自高頭宜春梨園二伎一作教坊內人

洎外供奉曉是舞者聖文神武皇帝初公孫一人

而已玉貌錦一作綉衣况余白首今茲弟子亦匪盛

顏既辨其由來知波瀾莫二撫事慷慨聊為劍器

行往者吳人張旭善草書書帖數常於鄴一作葉縣

見公孫大娘舞西河劍器自此草書長進豪蕩感

激即公孫可知矣

昔有佳人公孫氏一舞劍器動四方觀者如山色沮

喪天地為之久低昂燿音酷如羿射九日落矯如羣帝

驂龍翔來一作未如雷霆收震怒罷如江海凝清光絳

唇珠袖兩寂寞况一作陳作晚有弟子傳芬芳臨穎美人

在白帝妙舞此曲神揚揚與余問答既有以感時撫

事增惋傷先帝

皇一作

侍女八千人公孫劍器初第一

五十年間似反掌風塵傾動

灑一作

昏王室梨園子弟

散如烟女樂餘姿映寒日金粟堆南木已拱瞿唐石

城草

暮一作

蕭瑟玳筵急管曲復終樂極哀來月東出

老夫不知其所往足繭荒山轉愁疾

寂一作

往在

往在西京日

時一作

胡來滿彤

丹一作

宮中宵焚九廟雲

漢爲之紅解瓦飛十里總帷紛

粉一作

曾空疚心惜木

主一一灰悲風合昏排鐵騎清旭散錦驥

蒙一作

賊臣

表逆節

帥晉作

相賀以成功是時妃嬪戮連爲糞土叢

當宁陷玉座白間剝畫蟲不知二聖處私泣百歲翁

車駕旣云還楹桷歛穹崇故老復涕泗祠官樹椅桐

宏壯不如初已見帝力雄前春禮郊廟祀事親聖躬

微軀忝近臣景從陪羣公登階捧玉冊峨冕耿一作

金鍾侍祠忝先露一作披垣邇濯龍天子惟孝孫五

雲起九重鏡奩換粉黛翠羽猶葱朧前者厭羯胡後

來遭犬戎俎豆腐一作膾肉豕恩行角弓安得自西

極申命空山東盡驅詣闕下士庶塞關中主將曉逆

順元元歸始終一朝自罪己一云罪己萬里車書通鋒

鏞供鋤犁征戍聽所從冗官各復業土著還力農君

臣節儉足朝野歡呼一作同中興似一作國初繼體

如太宗端拱納諫諍和風日冲融赤墀櫻桃枝隱映

銀絲籠千春薦陵寢永永垂無窮京都不再火涇渭

開愁容歸號故松柏老去苦飄蓬

昔遊

昔者與高李適晚一作登單父臺寒蕪際碣石萬里

風雲來桑柘葉如雨飛藿去一作徘徊清霜大澤凍

禽獸有餘哀是時倉廩實洞達寰區一作開猛士思

滅胡將帥望三台君王無所惜駕馭英雄材幽燕盛

用武供給亦勞哉吳門轉粟帛泛海陵蓬萊肉食三

一作十萬獵射起黃埃隔河憶長眺青歲已摧頹不

及少年日無復故人盃賦詩獨流涕亂世想賢才有

一作能市駿骨莫恨少龍媒商山議得失蜀主脫嫌

猜呂尚封國邑一云傅說已鹽梅景晏楚山深水鶴

去低回龐公任本性攜子臥蒼苔

壯遊

往昔一作十四五出遊一作翰墨場斯文崔魏徒崔

州尚魏豫以我似一作班揚七齡思即壯開口詠鳳凰鄭

九齡書大字有作成一囊性豪業嗜酒嫉惡懷剛腸

脫略

一作落

小時輩結交皆老蒼飲酣視八極俗物都

茫茫東下姑蘇臺已具浮海航到今有遺恨不得窮

扶桑王謝風流遠闔廬邱墓荒劍池石壁及長洲荷

芰香嗟峨閨門北清廟映迴

池一作

塘每趨吳太伯撫

事淚浪浪枕戈憶勾踐渡浙想秦皇蒸魚聞七首除

道哂要章越女天下白鑑湖五月涼剡溪蘊秀異欲

罷不能忘歸帆拂天姥中歲貢舊鄉氣廟屈賈壘日

一作日

短曹劉牆忤下考功第獨辭京尹堂放蕩齊趙

間裘馬頗清狂春歌叢臺上冬獵青邱旁呼鷹阜

紫 櫪

晉作櫪

林逐獸雲雪岡射飛曾縱鞚引

一作跋 臂落

驚鷓蘇侯據鞍喜

監門曹

忽如攜葛強快意八九年

西歸到咸陽許與必詞伯賞

一作貴

遊實賢王曳裾置

醴地奏賦入明光天子廢食召羣公會軒裳脫身無

所愛

一作受

痛飲信行藏黑貂不

一作寧

免弊斑鬢兀稱

觴杜曲晚

一作換

耆舊四郊多白楊坐深鄉黨敬日

一作

自覺死生忙朱門任

一作務

傾奪赤族迭罹殃國馬竭

粟豆官雞輸稻梁舉隅見煩費引古惜興亡河朔風

塵起岷山行幸長兩宮各警蹕萬里遙相望崆峒殺

氣黑少海旌旗黃禹功亦命子涿鹿親戎行翠華擁

英

一作吳

岳螭虎瞰豺狼爪牙一不中胡兵更陸梁大

天

一作

軍載草草凋瘵滿膏肓備員竊補袞憂憤心飛

揚上感九廟焚

一作毀

下憫萬民

一作蒼生

瘡斯時伏青蒲

廷爭守御牀君辱敢愛死赫怒幸無傷聖哲體仁恕

宇縣復小康哭廟灰燼中鼻酸朝未央小臣議論絕

老病客殊方鬱鬱苦不展羽翮困低昂秋風動哀壑

碧蕙捐

一作損

微芳之推避賞從漁父濯滄浪榮華敵

勳業歲暮有嚴霜吾觀鴟夷子才格出尋常羣凶逆
未定側佇英俊翔

遣懷

昔我遊宋中惟梁孝王都名今陳留亞劇則貝魏俱
邑中九萬家高棟照通衢舟車半天下主客多歡娛
白刃讎不義黃金傾有無殺人紅塵裏報答在斯須
憶與高李輩適白論交入酒壚兩公壯藻思得我色敷
腴氣酣登吹一作文臺懷古視平蕪芒碭雲一去雁驚

空相呼先帝正好武寰海未凋枯猛將收西域長戟

破林胡百萬攻一城獻捷不云輸組練棄如泥尺土

負一作勝百夫拓境功未已元和辭大爐亂離朋友盡

合沓歲月徂吾衰將焉託存沒再嗚呼蕭條益堪愧

獨在天一隅一云蕭條病益甚塊獨天一隅乘黃已去矣凡馬徒區區

不復見顏鮑繫舟臥荆巫臨殮吐更食常恐違撫孤

同元使君春陵行 并序

覽道州元使君結春陵行兼賊退後示官吏作二

首志之曰當天子分憂之地效漢官 舊作 良吏之

目今盜賊未息知民疾苦得結輩十數公落落然

參錯天下為邦伯萬物吐 晉作 氣天下少 一作 安

可得矣 已一作 不意復見比興體制微婉頓挫之詞

感而有詩增諸卷軸簡知我者不必寄元 晉作

遭亂髮盡 處一作 白轉衰病相嬰 縈一作 沉綿盜賊際狼

狽江漢行歎時藥力薄為客羸瘵成吾人詩家秀 一作

流 博采世上名粲粲元道州前聖畏後生觀乎春陵

作歛見俊哲情復覽賊退篇結也實國楨賈誼昔流

慟匡衡常引經道州憂 哀一作 黎庶詞氣浩縱橫兩章

對秋月

一作水

一字偕

一作皆

華星致君唐虞際純樸憶

一作意

大庭何時降璽書用爾爲丹青獄訟永衰息豈

唯偃甲兵悽惻念誅求薄斂近休明乃知正人意不

苟飛長纓涼飈振南岳之子寵若驚色阻

晉作阻

金印

大興含滄浪

一作溟

清我多長卿病日夕思朝廷肺枯

渴太甚漂泊公孫城呼兒具紙筆隱几臨軒楹作詩

呻吟內墨淡字欹傾感彼危苦詞庶幾知者聽

春陵行

有序

元

結

癸卯歲漫叟授道州刺史道州舊四萬餘戶經賊

已來不滿四千大半不勝賦稅到官未五十日承

諸使徵求符牒二百餘封皆曰失其限者罪至貶

削於戲若悉應其命則州縣破亂刺史欲焉逃罪

若不應命又卽獲罪戾必不免也吾將守官靜以

安人待罪而已此州是春陵故地故作春陵行以

達下情

君國多所須切責在有司有司臨郡縣刑法竟一作意

欲施供給豈不憂徵斂又可悲州小經亂亡遺人實

困疲大鄉無十家大族命單羸朝殮是草根暮食乃

樹皮出言氣欲絕意速行步遲追呼尚不忍況乃鞭

朴之郵亭傳急符來往迹相追更無寬大恩但有迫

促期欲令鬻兒女言發恐亂隨悉使索其家而又無

生資聽彼道路言怨傷誰復知去冬山賊來殺奪幾

無遺所願見王官撫養以惠慈奈何重驅逐不使存

活為安人天子命符節吾所持州縣忽亂亡得罪復

是誰逋緩違詔令蒙責固所宜前賢重守分惡以禍

福一作敗移亦云貴守官不愛一作憂能適時顧唯孱弱

者正直當不虧何人援國風吾欲獻此辭

賊退示官吏

有序

元結

癸卯歲西原賊入道州殺掠

燒殺掠

幾盡而去明

年賊又攻永破邵不犯此州邊鄙而退豈力能制

敵蓋蒙其傷憐而已諸使何為忍苦徵斂故作詩

一篇以示官吏

昔歲逢太平山林二十年泉源在庭戶洞壑當門前

井稅有常期日晏猶得眠忽然遭世變數歲親戎旃

今來典斯郡山戎又紛然城小賊不屠人貧傷可憐

是以陷鄰境此州獨見全使臣將王命豈不如賊焉

今彼徵斂者迫之如火煎誰能絕人命以作時世賢

思欲委符節引竿自刺船將家就魚菱

一作麥

窮

一作歸

老江湖邊

李潮八分小篆歌

蒼頡鳥跡既茫昧字體變化如浮雲陳倉石鼓又一作

文已訛大小二篆生八分秦有李斯漢蔡邕中間作

者寂不聞嶧山之碑野火焚棗木傳刻肥失真苦縣

光和尙骨立書畫一作貴瘦硬方通神惜哉李蔡不復

可一作得吾甥李潮下筆親尙書韓擇木騎曹蔡有鄰

開元已來數八分潮也奄有二子成三人況潮小篆

逼秦相快劍長戟森相向八分一字直百千一作金蛟

龍盤拏肉屈強吳郡張顛誇草書草書非古空雄壯

豈如吾甥不流宕丞相中郎丈人行巴東江一作逢李

潮逾月求我歌我今衰老才力薄潮乎潮乎奈汝何

覽柏中允兼子姪數人除官制詞因述父子兄

第四美載歌絲綸

紛然喪亂際見此忠孝門蜀中寇亦甚柏氏功彌存
深誠補王室戮力自元昆三止錦江沸獨清玉壘昏
高名入竹帛新渥照乾坤子弟先卒伍芝蘭疊瓊璠
同心注師律洒血在戎軒絲綸實具載紱冕已殊恩
奉公舉骨肉誅叛經寒温暄一作金甲雪猶凍朱旗塵
不翻每聞戰場說歛激懦氣奔聖主國多盜賢臣官
則尊方當節鉞用必絕褻沴根吾病日迴首雲臺誰
再論作歌挹盛事推轂期孤騫

聽楊氏歌

佳人絕代歌獨立發皓齒滿堂慘不樂響下清虛裏

雲一作浮裏

江城帶素月況乃清夜起老夫悲暮年壯士

淚如水玉盃久寂寞金管迷宮徵勿云聽者疲愚智
心盡死古來傑出土事一作豈待一知己吾聞昔秦青

傾側天下耳

荆南兵馬使太常卿趙公大食刀歌

太常樓船聲嗷嘈問兵刮寇趨

陳作超

下牢楚地牧出令

奔飛百艘猛蛟突獸紛騰逃白帝寒城駐錦袍元冬

示我胡國刀壯士短衣頭虎毛憑軒拔鞘天為高翻

風轉日木

一作水

怒號冰翼雪淡傷哀狻鐫錯碧嬰鵬

鵜膏銜鍰

銜一作銛

已瑩虛

靈一作

秋濤鬼物撇振辭

陳作亂

坑壕蒼水使者捫赤條龍伯國人罷釣鼈芮公迴首

顏色勞分閩救世用賢豪趙公玉立高歌起攬環結

佩相終始萬歲持之護天子得君亂絲與君理蜀江

如線如針水

一作針如水

荆岑彈丸心未已賊臣惡子休

千紀魑魅魍魎徒為耳妖腰亂領敢欣喜用之不高

亦不庫不似長劍須天倚吁嗟光祿英雄弭大食寶

刀聊可比丹青宛轉麒麟裏光芒六合無泥滓

王兵馬使二角鷹

悲臺蕭颯

悲一作瑟

石龍崑崙哀壑杙杼浩呼

污一作洩

洵中有

萬里之長江迴風滔

陳作陷

日孤光動角鷹翻倒壯士

臂將軍玉帳軒翠

二云昂

氣二鷹猛腦徐侯穉

荆作徐墜趙

二云徐侯穉殊無理義介甫善本作條徐墜于理或然

目如愁胡視天地杉雞竹兔不

自惜溪

孩一作

虎野羊俱辟易韞上鋒稜十二翮將軍

勇銳與之敵將軍樹勳起安西崑崙虞泉入馬蹄白

羽曾肉三狡狎敢決豈不與之齊荆南芮公得將軍

亦如角鷹下翔

入朔一作

雲惡鳥飛飛啄金屋安得爾輩

開其羣驅出六合梟鸞分

狄明府

博濟

寄狄明府一作

梁公會孫我姨弟不見十年官濟濟大賢之後竟陵

遲浩蕩古今同一體比看叔伯四十人有才無命百
寮底今者兄弟一百人幾人卓絕秉周禮在汝更用

文章為長兄白眉復天啓汝門請從曾翁公一云說太

后當朝多巧詆計一作狄公執政在末年濁河終陳浩然本

中作不污清濟國嗣初將付諸武公獨廷諍守丹陛禁

中決冊陳作請一作房陵前一作朝長老皆流涕太

宗社稷一朝正漢官威儀重昭洗時危始識不世才

誰謂荼苦甘如薺汝曹又宜列土鼎一作食身使門戶

多旌檠胡為漂泊岷漢間干謁王侯頗歷抵詆一作況

乃山高水有波秋風蕭蕭露泥泥虎之飢下巉巖蛟

之橫出清泚早歸來黃土泥衣浩然本作眼易眯

秋風二首

秋風淅淅吹巫山上牢下牢修水關吳檣楚柂牽百

丈暖向神

一作成

都寒未還要路何日罷長戟戰自青

羌連百

一作白蠻

蠻中巴不會消息好暝傳戍鼓長雲間

秋風淅淅吹我衣東流之外西日微天清小城擣練

急石古細路行人稀不知明月爲誰好早晚孤帆他

一作也

夜歸會將白髮倚庭樹故園池臺今是非

久雨期王將軍不至

天山

一云雨蕭蕭滯

帶一云

茅屋空山無以慰幽獨銳頭

將軍來何遲令我心中苦不足數看黃霧亂元雲時

聽巖風折喬木泉源泠泠雜猿狖泥濘

一云萍

漠漠飢

鴻鵠歲暮窮陰耿未已人生會面難再得憶爾腰下

鐵絲箭射殺林中雪色鹿前者坐皮因問毛知子歷

險人馬勞異獸如飛星宿落應弦不礙蒼山高安得

突騎只五千峗然眉骨皆爾曹走平亂世相催促一

豁明主正鬱陶憶

恨一云

昔范增碎玉斗未使吳兵着

白袍昏昏闔闔閉氛稜十月荆南雷怒號

別李秘書始興寺所居

不見秘書心若失及見秘書失心疾安為動主理信

然我獨覺子神充實

神一作精實

重聞西方止觀經老身

古寺風泠泠妻兒待我

陳一作來

且歸去他日杖藜來

細聽

虎牙行

秋

一作北

風歛吸

歛晉作歛

吹南國天地慘慘無顏色洞庭

揚波江漢迴虎牙銅柱皆傾側巫峽陰岑朔漠氣峯

巒窈窕谿谷黑杜鵑不來猿狖寒

啼一作

山鬼幽憂雪

霜逼楚老長嗟憶炎瘴三尺角弓兩斛力壁立石城

橫塞起金錯旌竿滿雲直漁陽突騎獵青邱犬戎鏢

甲聞丹極八荒十年防盜賊征戍誅求寡妻哭遠客
中宵淚霑臆

錦樹行

今日苦短昨日休歲云暮矣增離憂霜凋碧樹待荆

云行一作錦樹萬壑東逝無停留荒戍之城石色古東郭

老人住青邱飛書白帝營斗粟琴瑟几杖柴門幽青

春別作草萋萋盡枯死天馬跂陳作與驥足隨犛牛自古

聖賢多薄命姦雄惡少皆封侯一作封侯故國三年一

消息終南渭水寒悠悠五陵豪貴反顛倒鄉里小兒

狐白裘生男墜地要膂力一作生女富貴傾邦國莫

愁父母少黃金天下風塵兒亦得

赤霄行

孔雀未知牛有角渴飲寒泉逢舐觸赤霄元圃須往

來翠尾金花不辭辱江中淘河嚇飛鷲銜泥却落羞
華屋皇孫猶曾蓮勺困衛鮑一作莊見貶傷其足老翁
慎莫怪少年葛亮貴和書有篇丈夫垂名動萬年記
憶細故非高賢

前苦寒行二首

漢時長安雪一丈牛馬毛寒縮如蝟楚江巫峽冰入
懷虎豹哀號又堪記秦城老翁荆揚客慣習炎蒸歲
絺綌元冥祝融氣或交手持白羽未敢釋

去年白帝雪在山今年白帝雪在地凍埋蛟龍南浦
縮寒刮陳作肌膚北風利楚人四時皆麻衣楚天萬

里

英華作頃

無晶輝三足之烏足

英華作骨

恐斷羲和送將何

所歸

一作送送將安歸
一作送之將安歸

後苦寒行二首

南紀巫廬瘴不絕太古以來無尺雪蠻夷長老怨苦

寒崑崙天關凍應英華作欲折元猿口噤不能嘯白鷓翅

垂眼流一作出血安得春泥補地裂

晚一作曉來江門一作邊失大水猛風中夜吹英華作飛白屋

天兵斬斷英華作新斬青海戎殺氣南行動地軸不爾苦

寒何太一作其酷巴東之峽生凌澌彼蒼回軒舊作軒刊作軒

人得知

晚晴

高唐暮冬雪壯哉舊瘴無復似塵埃崖沈谷沒白皚

皚江石缺裂青楓摧南天三旬苦霧開赤日照耀從

西來六龍寒急光徘徊照我衰顏忽落地口雖吟詠

心中哀未怪及時少年子揚眉結義黃金臺泊陳作汨

乎吾生何飄零支離委絕同死灰

復陰

方冬合沓元陰塞昨日晚晴今日黑萬里飛蓬映天
過孤城樹羽揚風直江濤簸一作欺岸黃沙走雲雪埋
山蒼兕吼君不見夔子之國杜陵翁牙齒半落左耳
聾

夜歸

夜來歸來衝虎過山黑家中已眠臥傍見北斗向江
低仰看明星當空大庭前把燭噴一作喚兩炬峽口驚
猿聞一箇白頭老罷舞復歌杖藜不睡誰能那

寄柏學士林居

自胡之反持干戈天下學士亦奔波歎彼幽棲載典
籍蕭然暴露依一作向山阿青山萬里一作重靜散地白
雨一洗空垂蘿亂代飄零余一作餘到此古人成敗子

如何荆揚春冬異風土巫峽日夜多雲一作風雨赤葉
楓林百舌鳴黃泥一作花野岸天雞舞盜賊縱橫甚密
邇形神寂寞甘辛苦幾時高議排金門各使蒼生有
環堵

寄從孫崇簡

嵯峨白帝城東西南有龍湫北虎溪吾孫騎曹不騎
一作馬業學尸鄉多養雞龐公隱時盡室去武陵春
樹他人迷與汝林居未相失近身藥裏酒長攜牧豎
樵童亦無賴莫令斬斷青雲梯

奉酬薛十二丈判官見贈

忽忽峽中睡悲風一作秋方一醒西來有好鳥爲我下

青冥羽毛淨一作盡白雪慘澹飛雲汀旣蒙主人顧舉

翻啜孤亭持以比佳士及此慰揚舲清文動哀玉見

道發新劑欲學鴟夷子待勒燕山銘誰重斷虵劍云一

國重斬致君君未聽志在騏麟閣無心雲母屏卓氏

近新寡豪家朱門戶一作局相如才調逸銀漢會雙星

客來洗粉黛日暮拾流螢不是無膏火勸郎勤六經

老夫自汲澗野水日泠泠我歎黑頭白君看銀印青

臥病識山鬼為農知地形誰矜坐錦帳苦厭食魚腥

東西兩岸坼晉作岸橫一作水注滄溟碧色忽一作

惆悵風雷搜百靈空中右一作白虎赤節引娉婷自

云帝里季一作女嘆雨鳳凰翎襄王薄行跡莫學冷如

丁冰一作千秋一拭淚夢覺有微馨人生相感動金石

兩青熒丈人但安坐休辨渭與涇龍蛇尚格鬪洒血

暗郊垆吾聞聰明主治一作國用輕刑銷兵鑄農器

今古歲方寧文一作王日儉德俊又始盈庭榮華貴

少壯豈食楚江萍

醉爲馬墜諸公攜酒相看

甫也諸侯老賓客罷酒酣歌拓金戟騎馬忽憶少年
時散蹄迸落瞿塘石白帝城門水雲外低身直下八
千尺粉堞電轉紫遊韁東得平岡出天壁江村野堂
爭入眼垂鞭一作鞞凌紫陌向來皓首驚萬人自
倚紅顏能騎射安知決臆追風足朱汗驂驪猶噴玉
不虞一蹶終損傷人生快意多所辱職當憂戚伏衾
枕況乃遲暮加煩促明一作朋知來問腆我顏杖藜強
起依僮僕語盡還成開口笑提攜別掃清溪曲酒肉
如山又一時初筵哀絲動豪竹共指西日不相貸喧
呼且覆盃中淥何必走馬來爲問一作爲身不君不見嵇
康養生遭一作殺戮

別李義

神堯十八子十七王其門道國洎

一作及

舒國督

一作實

唯親弟昆中外貴賤殊余亦忝諸孫丈人嗣三葉

一作

業王之子白玉溫道國繼德業請從丈人論丈人領宗

卿肅穆古制敦先朝納諫諍直氣橫乾坤子建文筆

壯河間經術存爾克富詩禮骨清慮不喧洗然遇知

已談論淮湖奔憶昔初見時小襦

一作孺

繡芳蓀長成

忽會面慰我久疾魂三峽春冬交江山雲霧昏正宜

且聚集恨此當離樽莫怪執盃遲我衰涕唾煩重問

子何之西上岷江源願子少干謁蜀都足戎軒誤失

將帥意不如親故恩少年早歸來梅花已飛翻努力

慎風水豈惟數盤殮猛虎臥在岸蛟螭出無痕王子

自愛惜老夫困石根生別古所嗟發聲爲爾吞

自
送高司直尋封閩州

丹雀銜書來暮棲何鄉樹驂騑事天子辛苦在道路
司直非冗官荒山甚無趣借問泛舟人胡爲入雲霧
與子姻婭間旣親亦有故萬里長江邊邂逅一相遇
長卿消渴再公幹沈綿屢清談慰老夫開卷得佳句
時見文章士欣然淡一作談情素伏枕聞別離疇能忍

漂寓良會苦短促溪行水奔注熊羆咆空林游子慎
馳驚西謁巴中侯艱險如跬步主人不世才先帝常
特顧拔爲天軍佐崇大王法度淮海生清風南翁尙
思慕公宮造廣廈木石乃無數初聞伐松柏猶臥天
一柱我瘦一作病書不成成字讀一作字亦誤爲我問故

人勞心練征戍

君不見簡蘇徯

君不見道邊廢棄池君不見前者摧折桐百年死樹
中琴瑟一斛舊水藏蛟龍丈夫蓋棺事始定君今幸
未成老翁何恨憔悴在
山中深山窮谷不可處霹靂
颯颯兼一作狂風

贈蘇四偃

異縣昔同遊各云厭轉蓬別離已五年尙在行李中
戎馬日衰息乘輿安九重有才何棲棲將老委所窮
爲郎未爲賤其奈疾病攻子何面黧黑不得豁心胸
巴蜀倦剽掠一作劫下愚成土風幽薊已削平荒徼尙
彎弓斯人脫身來豈非吾道東乾坤雖寬大所適裝
囊空肉食哂菜色少壯欺老翁況乃主客間古來偏
側同君今下荆揚獨帆如飛鴻二州豪俠場人馬皆
自雄一請甘饑寒再請甘養蒙

寄薛三郎中

據

人生無賢愚飄飄若埃塵自非得神仙誰免危其身
與子俱白頭役役常苦辛雖爲尙書郎不及村野人
憶昔村野人其樂難具陳藹藹桑麻交公侯爲等倫
天未厭戎馬我輩本常貧子尙客荊州我亦滯江濱
峽中一臥病瘡癘終冬春春復加肺氣此病蓋有因
早歲與蘇鄭痛飲情相親二公化爲土嗜酒不失真
余今委修短豈得恨命屯聞子心甚壯所過信席珍
上馬不用扶每一作忽扶必怒嗔賦詩賓客間揮洒動
八垠乃知蓋代手才力老益神青草洞庭湖東浮滄
海濬君山可避暑況足采白蘋子豈無扁舟往復江
漢津我未下瞿塘空念禹功勤聽說松門峽吐藥攬
衣巾高秋却束帶鼓枻視青旻鳳池日澄碧濟濟多

士新余病不能起健者勿逡巡上有明哲君下有行
化臣

大覺高僧蘭若

和尚去冬
往湖南

巫山不見廬山遠松林

一作
間

蘭若秋風晚一老猶鳴

日暮鐘諸僧尚乞齋時飯香爐峯色隱晴湖種杏仙
家近白榆飛錫去年啼邑子獻花何日許門徒

杜工部集卷第七